

黃岡縣志卷之二十四

知黃岡縣事合肥戴昌言編輯

雜志

祥異

鳳凰至著龜兆甘露下竹實滿流黃出朱草生瑞應之物昭昭也而水有九年旱有七年祥桑雉雉之屬又何殷憂而啟聖乎洪範庶徵曰休曰咎治天下者固以省厥躬也治一邑何獨不然

吳

永安元年三月西陵言赤鳥見

晉

大興元年西陽地震水湧山裂

晉書

黃岡縣志

卷之二十四

祥異

宋

元嘉十五年秋八月白雀見西陽江州刺史南譙王義宣以獻

宋書

南齊

永明十年齊安郡民王攝掘地得四文大錢一萬二千七百十枚品製如一

齊書

唐

貞觀十四年黃州進紫芝白兔

嗣聖十四年旱

中和二年春三月天鳴若轉磨無雲而雨

宋

乾德四年縣民段贊屋柱生芝一本三莖知縣鄧守忠以獻是

年黃州進白兔

太平興國七年知黃州裴仁鳳獻芝草

淳化元年黃州刺史魏丕獻芝草

至道三年黃州麥秀二三穰

咸平元年冬黃州西北雷震 二年瑞草生知黃州張鑑以獻

冬震雷十二月長蘄省志作柳村二虎夜鬪一死食之殆半 三

年秋八月羣雞夜鳴至冬不止 冬十月雷聲如夏

大中祥符元年黃州獻異竹一本雙莖

明道元年黃州竹及橘木柿木連枝

淳熙七年大旱

嘉定十四年春正月地夜震大雷是春金虜入寇黃州失守

元

黃岡縣志

卷之三十四

祥異

二

至元三年大水 七年大水

大德三年早秋九月有流星色赤尾長尺餘墜地聲如雷 十

年七月饑

延佑七年旱

至順元年饑

至元元年冬十二月地震 二年夏四月縣民周氏婦產一男

狗頭人身卽死咸以爲旱魃云 是年旱 秋七月蝗

至正七年大水 十二年大旱人相食 十三年大旱疫

明

洪武四年冬十月大霧北風寒勁雨黑雪草木竹柏皆枯

宣德三年夏六月隕霜殺稼

宏治六年興王之藩舟至黃州有烏數萬繞舟明史十一年自冬

十月至明年正月不雨火時發有鴉銜火裹絮集人屋以翼扇焰居民露宿伺救

十三年夏六月大水 十四年柳子港有虎害

正德元年大旱 三年大旱 四年夏旱 六年七年八年連年大旱民窮盜起流亡衆多 十年澣子灘水怪出知府盧

濬滅之 十三年大水饑女王城有虎害 十四年夏五月

雨雹如雞卵壞民舍

嘉靖元年春三月地震 二年夏五六月不雨苗盡橋奏免田

租有差 九年秋八月大水有星如月流西北聲如雷 二

十三年大旱 二十九年雨霾 三十二年大水道觀河水

怪見大雨水溢民多溺死 三十三年大水 三十四年冬

十二月地震 三十五年民謝姓家豕生三子並一角牛尾

馬蹄 三十九年秋大水傷稼

黃岡縣志

卷之二十四

祥異

三

萬曆元年春三月田鼠嚙禾殆盡自斃近郊虎食人 二年春

二月地震 十三年清源門災 十五年夏大雨城壞 十

六年大旱人食木皮多飢死團風鎮火延數百家 十七年

大旱饑虎入市 十八年夏四月雨雹如磚時有宿松寇警大疫人

相食 十九年大有年 二十四年府文廟災 三十一年

團風河西岸崩舟人壓死甚衆 三十二年府治災 三十

三年春二月地震 三十四年大水 三十五年彗星見昏

東晨西夏六月水白陽山蛟見 三十六年夏大水舟入城

四十二年大旱夏四月二日地震 四十五年大水澣子

灘水怪傷人 四十七年秋八月地震

天啟元年冬大雪自十一月至於二年春四十八日烏鵲死路

無行人 二年大旱斗米千錢

崇禎二年春三月地震一日五震有聲如雷屋瓦搖墮夏又震
冬十月又震 六年地震 七年地震晝晦如夜 八年鵲
成羣投河 冬地大震 十年雨蟲色黑大如菽食苗盡
十一年秋野彘入城 十二年夏五月鼠食禾渡江五六日
不絕城南門流血五日 十三年秋八月地震聲如雷民舍
壞 十四年夏六月飛蝗食苗盡入城陰翳障天是年大疫
十五年冬十月二日日食晝晦是年鴨蛋洲有飛鵲萬餘
投蘄州南城濠死 十六年春二月清源門五日夜鬼哭
十七年春正月四日大雨雹

國朝

順治三年春正月生員李遐齡妻一產三男 九年春正月朔
大雪十五日上伍鄉雨黑水如墨汁自正月至二月地屢震

黃岡縣志

卷之三十四

祥異

四

六月一字門外災是歲大旱斗米四百錢 十二年大有年
十三年教場有白氣起平地蜿蜒如龍至空不見 十四
年旱

康熙元年夏四月白燕來巢秋旱 二年復旱秋七月十五日
城內外火焚民舍十之九八月大水 三年冬十月彗星見
翼軫分五十餘日 五年夏四月雨雹 六年春夏旱 七
年夏六月地震 九年夏五月雨黑米黑豆 十一年冬十
一月生員李宏妻張氏一產三男宏父遐齡兩世皆有三男
之瑞事見順治三年 十四年夏多虎害通判宋犖除之 十五年
夏六月大水 十七年大有年 十八年大旱 二十四年
大水 二十七年夏四月十七日白雪銀光見翼軫間層疊
團結中有五色氣如斷虹 二十八年田鼠食禾及秋化爲

魚 二十九年旱饑 三十二年夏大旱 三十三年旱
三十五年秋八月大水 三十九年春大雨地震三月十六
日地震 四十年夏六月大水 四十五年夏五月大雨江
水驟長五尺西陽河馬家潭蛟見姚二渡簡隄缺西瓜鋪魚
博但家店諸山市民居漂沒有溺者 四十七年春二月地
震秋旱 四十八年秋旱赤山潭居民掘地得魃擊殺之遂
雨 四十九年八月初三日地震 五十一年春二月雨雹
斃物大風伐屋夏蝗官捕之數日盡秋大熟 五十三年夏
旱 五十四年至五十九年秋大熟 五十七年冬十二月
雷電雨雪 五十八年夏五月有虎傷人於城南三日乃去
六十年秋旱 六十一年秋大熟
雍正四年夏大水 五年夏大水秋大疫 七年夏四月佗鷓

黃岡縣志

卷之三十四

祥異

五

洲有蝗官撲滅之秋大熟 九年夏四月赤壁山下麥穗五
歧 十年夏六月大水 十一年夏四月地震鴨蛋洲麥穗
四歧五月大雨江水溢但店出蛟水淹民居 十二年秋大
熟 十三年春旱夏六月雨

乾隆元年秋大熟 二年夏大水 六年秋大熟 八年夏大
水 二十年春三月雨雹自鐵冶至柳林三十餘里大者盈
尺 二十一年至二十三年秋大熟 二十九年大水 三
十二年三十四年大水 四十三年旱 四十八年大水
五十年大旱賑鮑湖底有自然穀募義鄉人採食甚衆 五
十二年春東鄉蝗有雀千萬食之間化爲蝦是歲大熟 五
十三年大水近清源門募義鄉人見江心湧出破船浪高數
丈聲如雷踰時沒

嘉慶七年夏旱 二十年柳子港蛟水被害人百四十餘口衝
沒廬墓無數冬募義鄉麻陽灣有豹土人黃啟萬斃之 二
十一年大水淋頭畝有虎患土人巴維太斃之

道光三年大水 五年夏鮑湖南麥三歧 六年馬跑嘴芝草
生 八年牛車河雙河口雷擊異獸似驢一肩兩首四蹄鷹
爪 十年冬震雷 十一年大水至清源門 十三年大水
十五年旱蝗 十六年蝗 十九年至二十二年大水
二十七年冬震雷 二十八年大水至清源門 二十九年
夏五月二十四日大崎山腰裂數十丈響震百里居民屋舍
傾圮年餘山漸合至今尚有裂迹秋大水舟入城斗米錢五
百 三十年雨雹大者如瓜小者如彈丸壞稼傷人

咸豐元年秋彗星見西北方募義鄉民種芥一畦結實如胡椒

黃岡縣志

卷之二十四

祥異

六

其味辛 二年夏彗星見北方冬十二月三峽庵黃楊生花
似桂而白 三年夏彗星見西方 四年雨木冰雨黑豆辛
家衝王姓婦徐氏一產三子一面半赤一面半黑一面半駮
生三日皆死 五年春天雨豆狀如槐實十月上永鄉各處
水湧冬十一月桃華且實 六年塘水湧 七年得勝洲澚
子灘麥穗兩歧秋蝗入境 八年秋彗星見西方 九年秋
七月十五日大崎山下雨雹大如卵傷禾麻 十一年夏彗
星見西方

同治元年夏六月蝗不爲災 四年春正月震雷烈風雹大如
卵雨木冰 六年秋旱鴨蛋洲地中出火投以柴草可以熱
水熟食物又陳姓茅簷出米以棒敲之米從麥稿中出用以
治病頗效 八年秋大水 九年秋大水至清源門 十三

年春三月十六日大崎山下雨雹大如升數十里麥菜盡壞
光緒二年麥穗兩歧夏六月割人髮辮無踪訛言雞翅生爪啄
人立死民間殺雞殆盡秋治東宋家塹虎入民房土人斃之
三年春上永鄉破山鄆姓屋側楓樹結實如梨 四年水
湧蝗不爲災夏樊口內東港雨雹雷擊一物首如鹿身尾如
牛足如鷹爪一角其色光明長四尺許 五年水湧 六年
秋大熟七月十八日上永鄉水湧 七年春二月雷電大雪
酷寒雨木冰山松多凍折者夏彗星兩見一酉刻見北方一
亥刻見東北方秋大熟

兵事 團防附

黃介江淮之交海內騷動必先受兵周秦及明末流寇已事可觀矣咸同間粵逆捻逆躪黃最久

天威震懾卒就廓清而土堡社團民自為衛同袍同澤不又歎民情大可見乎誌兵事而團防附之

周

惠王二十二年為魯僖公之八年楚鬬穀於菟滅弦弦子奔黃於是江黃道柏方睦於齊皆弦媼也弦子恃之而不事楚又不設備故亡 左傳

按各代地理志江國在汝甯府新息縣西南八十里安陽故城黃國在今光州界或以江夏黃岡二縣為古江黃二國非也 府志

黃岡縣志

卷之三十四

兵事

漢

永和二年江夏盜殺邾長 茅志

魏

太和二年滿寵領豫州刺史三年春降人稱吳大嚴揚聲獵江

北孫權欲自出寵度其必襲西陽而為之備權聞之退還 魏志

滿寵傳

後漢

後主延熙二年吳陸遜取魏邾以兵三萬戍之 時吳赤烏四年見通志

晉

咸熙九年秋七月吳將魯淑圍弋陽征虜將軍王渾擊敗之 晉武

帝本紀

太康元年王濬督軍臨江吳牙門將孟泰以蕲春邾二縣降 續大

事記

太興初陶侃為武昌太守時天下饑荒山夷多斷江劫畧侃令諸將詐為商船以誘之劫果至生獲數人西陽王業之左右也侃即遣兵逼業令出向賊侃整陣於釣臺為後繼業縛送帳下二十人侃斬之自是水陸肅清

晉書陶侃傳

咸和初陶侃以荆江二州刺史鎮武昌議者以武昌北岸有邾城宜分兵鎮之侃每不答而言者不已侃乃渡水獵引將佐語之曰我所以設險而禦寇正以長江耳邾城隔在江北內無所倚外接羣夷夷中利深晉人貪利夷不堪命必引寇虜乃致禍之由非禦寇也且吳時此城乃三萬兵守今縱有兵守之亦無益於江南若羯虜有可乘之會此又非所資也及庾亮戍之果大敗

晉書陶侃傳

黃岡縣志

卷之三十四

兵事

九

咸和五年鄧嶽為西陽太守時郭默之殺劉應大司馬陶侃使嶽將西陽之眾討平之

晉書鄧嶽傳

咸康五年毛寶為豫州刺史與西陽太守樊峻以萬人守邾城石季龍惡之乃遣其子鑒與其將夔安李菟等五萬人來寇張貉度二萬人攻邾城寶求救於庾亮亮以城固不時遣軍城遂陷寶峻等率左右突圍出赴江死者六千人寶亦溺死

晉書毛寶傳

元興三年五月劉道規與劉毅何無忌攻桓元西走江陵畱郭鈴等守湓口乃大聚兵眾召水軍造樓船器械率眾二萬浮江東下與冠軍將軍劉毅相遇於崢嶸洲時兵不滿萬人眾憚之欲退守潯陽道規不可麾眾而進毅等從之大破元軍郭鈴與元單舸走江陵不復能守

宋劉道規傳

宋

元嘉二十八年西陽蠻緣江為寇殺南川令劉臺並其家口時亡命司馬黑石廬江叛吏夏侯方進在西陽五水煽動羣蠻十月太祖遣太子步兵校尉沈慶之率江荆雍豫諸州軍討之使武陵王駿總統眾軍三十年正月武陵王出次西陽之五洲慶之自巴水至洲詔受軍畧柳元景率所領進西陽會伐五水蠻世祖初元西陽蠻田益之等起義攻郢州及末年遣沈慶之討西陽蠻大尅獲而還 宋書

孝建元年臧質反兵敗走至潯陽載妓妾西奔使所寵何文敬領兵居前至西陽西陽太守魯方平質之黨也至是誑文敬文敬棄眾走六月戊辰質走武昌為人所斬傳首京師 宋書臧質傳

黃岡縣志

卷之二十四

兵事

十

齊

昇明元年沈攸之反圍郢州遣中兵參軍公孫方平馬步三千攻武昌西陽太守王盤奔於盆口方平因據西陽以劉懷珍持節督豫司二州郢州之西陽軍事遣建甯太守張謨遊擊將軍裴仲穆帥蠻漢萬人出西陽破方平軍數千人收其器

甲 南齊書劉懷珍傳

永元中西陽馬榮率眾緣江寇抄商旅斷絕刺史蕭遙欣遣弘農太守鄧元起率眾討平之 梁書鄧元起傳

中興元年四月梁高祖出沔命長史王茂冠軍將軍蕭穎達等進軍逼郢州五月東昏侯遣甯朔將軍吳子陽軍主光子矜等十三軍救郢州進據巴口西臺諸將議欲分兵以襲西陽武昌高祖曰西陽武昌取便得耳得便應鎮守守兩城不減

萬人糧儲稱是卒無所出脫賊軍有萬人攻一城兩城勢不得相救若我分軍應援則首尾俱弱如其不遣孤城必陷一城既沒諸城相次土崩天下大事去矣若郢州既拔席捲沿流西陽武昌自然風靡何遽分兵散眾自貽其憂子陽等進軍武口高祖命眾軍乘流攻之大潰七月郢州下兩郡俱降

梁書武帝本紀

梁

天監三年夏侯夔假節西陽太守普通八年夔帥將軍裴元禮任思祖出義陽攻魏三關克之

梁書本傳

太清二年侯景遣兄子思穆據守齊安西陽太守周炆率驍勇襲破思穆擒斬之時炆據武昌西陽二郡招聚卒徒甲兵甚盛與甯州長史徐文盛擊任約於樊山

陳書周炆傳

黃岡縣志

卷之二十四

兵事

十一

大寶元年世祖猶稱太清四年九月侯景將任約進寇西陽武昌世祖遣左衛將軍徐文盛等下武昌拒約文盛入貝磯任約率水軍逆戰文盛大破之斬其儀同叱羅子通等傳首江陵仍進軍大舉口十二月壬辰世祖又遣護軍將軍尹悅巴州刺史王珣西荊州刺史杜幼安帥眾助文盛別攻武昌拔之約退保西陽文盛進據蘆洲二年正月任約告急於景三月景率眾二萬西上援約四月次西陽渡蘆洲上流以壓文盛等文盛不敢戰杜幼安宋遙等率所領獨進與景戰大破之獲其舟艦以歸世祖以王僧辨代文盛率巴州刺史涇于量定州刺史杜龕等俱赴西陽會景襲陷郢州僧辨雷巴陵景軍圍之世祖遣平北將軍胡僧祐率兵二千赴援至揚浦景遣任約率銳兵五千據白塔遙以待之僧祐由別路西上約

急追之及於南安芋口僧祐潛引卻至赤沙亭會信州刺史陸法和至並軍擊約大破之擒約送江陵景聞之遁

梁簡文帝元帝

本紀徐文盛杜幼安侯景傳

陳

大建五年西陽太守周吳隨吳明徹北討所向克捷齊遣尙書左丞陸騫以眾二萬出自巴蘄與吳相遇吳留羸弱輜重設疑兵以當之身率精銳由間道邀其後大敗騫軍虜獲器械馬驢不可勝數進攻巴州克之於是江北諸城並誅渠帥以城降進吳散騎常侍追吳入朝初蕭詧定州刺史田龍升以城降陳以為鎮遠將軍定州刺史封赤亭王及吳入朝龍升以江北六州七鎮叛入於齊齊遣高景安帥師應之於是令吳為江北道大都督總統眾軍以討龍升龍升使弋陽太守

黃岡縣志

卷之二十四

兵事

三

田龍珍帥眾二萬陣於亭川高景安營於木陵陰山為其聲援龍升引軍別營山谷吳乃分兵各當其軍身率驍勇先擊龍升龍升大敗龍珍望塵而奔並追斬之高景安遯走盡復

江北之地

陳書周吳傳

隋

開皇九年以周法尙為黃州總管上降密詔使經畧江南伺候動靜及伐陳之役以行軍總管隸秦孝王率舟師三萬出於樊口陳城州刺史熊門起出師拒戰擊破之擒起於陣

隋書周法

尙傳

唐

興元元年李希烈反淮南沂江徇地江西節度使嗣曹王皋討之遣將伊慎為先鋒與賊夾江陣賊柵蔡山不可拔皋聲言

西取蘄引兵艦循厓沂江上賊聞以羸卒保柵悉軍行江北與舉直西去蔡山三百里舉遣步士悉登舟順流下攻蔡山拔之遂取蘄州降其將李良平黃州兵益振天子在梁州包佶轉東南財糧次蘄口賊遣驍將杜少誠以兵萬人遏江道不得西慎選士七千列三屯相望偃旗以待少誠分圍之未合慎自中屯鼓之諸屯悉出奮擊賊亂破之於黃岡少誠遜走斬別將許少華漕無畱難拜慎為安黃節度使貞元末詔安黃為奉義軍即為奉義節度

唐書曹王皋傳及權德輿伊慎碑

乾符末黃巢亂江西出入蘄黃杭州刺史路審中為董昌所拒走客黃州中和末入鄂州以守光啟二年為安陸賊周通所攻亡去鄂州人杜洪乘虛入鄂自為節度畱後永興民吳討據黃州乾甯元年春三月黃州刺史吳討舉州附於吳夏五

黃岡縣志

卷之三十四

兵事

三

月武昌節度使杜洪攻黃州楊行密遣行營都指揮使朱延

壽救之

按唐杜洪傳永興民吳討據黃州駱殷據永興二人皆隸土團者也故軍剽甚洪雖得節制而附朱全忠

乾甯初身自將擊討乞師淮南楊行密遣朱延壽救之洪引還延壽拔黃州俘討京師駱殷棄永興走行密取其地與此畧異今從通鑑所載俱見十國春秋十二月吳討畏杜洪之逼納印請代行密

以先鋒指揮使瞿章權知黃州

或作瞿章瞿璋皆非今從吳錄見十國春秋

乾甯四年夏四月朱全忠將朱友恭攻黃州吳遣右黑雲都指揮使馬珣等救黃州以樓船精兵助章守黃州刺史瞿章聞友恭至棄城擁眾南保武昌寨五月辛巳友恭為浮梁於樊港進攻武昌寨壬午拔之遂陷黃州刺史瞿章死之馬珣收散卒三百自黃州間道走

十國春秋

後梁

乾化四年楚岳州都指揮使王環襲吳徐溫黃州夜分南風暴

起乘風趨黃州以繩登城徑奔州署執吳刺史馬鄴展旗鳴鼓揚帆過鄂而歸

十國春秋

後周

顯德三年周遣齊藏珍攻唐黃州未下命司超遙領刺史五年

世宗南征臨江遣水軍擊唐兵破之二月唐主遣使獻舒廬

蕲黃四州地畫江以爲界周師引還

通鑑

宋

建炎初賊閻瑾犯黃州縱掠而去鄂州通守趙令晟渡江存撫

之黃人乃安

宋史趙令晟傳

是年賊張遇過黃州城下知黃州趙令晟出城見之遇飲以酒

一舉而盡曰固知飲此必死願勿殺軍民遇驚曰先以此試

公耳更取毒酒沃地地裂有聲乃引軍去未幾丁進李成兵

黃岡縣志

卷之二十四

兵事

十四

迭至令晟俱擊卻之

宋史趙令晟傳

二年正月東平府兵馬鈐轄孔彥舟反引兵渡淮圍黃州守臣

趙令晟率兵民固守拒之凡六日乃解

宋史高宗本紀趙令晟傳

三年金人犯黃州守臣趙令晟以內艱去詔起復已還在道郡

卒得金人木笥鑿箭浮江告急令晟疾趨夜半入城金人力

攻翼日城陷金人欲降之大罵不屈金人怒鞭之流血被面

罵不絕口而死事聞贈徽猷閣待制諡曰愍忠初城破都監

王遠判官吳源巡檢劉卓皆以不屈死焉

宋史趙令晟傳

乾道間江湖大旱流民北渡江宰相虞允文白遣薛季宣行淮

西收以實邊季宣爲表廢田相原隰立二十二莊於黃州故

治東並邊歸來者振業之季宣謂人曰吾非爲今日利也黃

州地直蔡衝諸莊輯則西道有屏蔽矣

宋史薛季宣傳

嘉定十二年二月金人分兵自光州犯黃州之麻城十四年己巳金將僕散安正犯五關壬申治舟於團風弗克濟遂以十餘萬眾圍黃州丁丑詔李全救蕲黃三月丁亥金人破黃州

淮西提刑知州事何大節自沈於江

按大節殉難見宋史忠義李誠之傳本紀以為

棄城遜死誤也

遂陷蘄州前後殺掠無算癸丑金人退師鄂州副都

統扈再興擊敗之於久長鎮

宋史寧宗本紀

端平二年正月詔孟珙主管侍衛馬軍司公事暫駐黃州措置

邊防三年珙至黃增埤浚隍蒐討軍實邊民來歸者日以千

數為屋三萬間居之厚加賑貸又慮兵民雜處因高阜為齊

安鎮淮二砦以居諸軍創章家山母家山兩堡為先鋒虎翼

飛虎營兼主管內安撫司公事節制蕲黃光信陽四郡軍馬

十月元答思復出鄧州遂至蕲黃珙遣兵解蘄州圍

宋史理宗本紀

黃岡縣志

卷之二十四

兵事

五

及孟珙傳

嘉熙元年授孟珙諸軍都統制十月元將口溫不花別畧黃州

張柔自光州進趨黃州破三山寨至大湖中得戰艦沿江接

戰壁於黃州之西北隅時蘄光舒三守或遁或降元將遂合

三郡人馬糧械攻黃有乘舟出者柔曰此偵我也夜必襲吾

不備分軍為三以待之二鼓時宋師果至柔遮擊俘數百人

攻其東門矢如雨注軍少卻柔率死士奮戈大呼所向仆踣

黃守王鑑江帥萬文勝戰不利柔執俘而還及珙入城軍民

喜曰吾父來矣駐帳城樓指畫戰守全其城斬逗留者四十

九人以徇諸將士彌日苦戰病傷者相屬珙遣醫視療士皆

感泣

宋史孟珙及元史張柔口溫不花傳

淳祐四年命分兵三千備齊安孟珙言黃州與壽昌三江口隔

一水耳須兵卽渡何必預遣先一日則有一日之費無益有損萬一上遊有警我兵已疲非計之得也

孟珙傳

開慶元年八月元世祖入大勝關次黃陂得宋沿江制置司榜有云今夏諜聞北兵會議取黃陂民船繫棧出陽邏堡以渡會於鄂州世祖曰此事前所未有願如其言辛丑晦元將董文炳下臺山寨師次陽邏堡九月甲辰世祖登香爐山俯瞰大江宋兵築堡於岸以大舟扼江渡水陸軍容甚盛世祖遣兵奪二大舟夜遣木魯花赤張文卿等具舟楫以通援兵絕宋往來路文炳言於世祖曰長江天險宋恃爲國勢必死守不奪其氣不可臣請嘗之卽與敢死士當其前率弟文用文忠鼓棹急趨李穀以一旅先請軍揚旗伐鼓叫呼畢奮三道並進天徐霽與宋師接戰者三文炳麾眾搏之殺獲甚眾徑

黃岡縣志

卷之三十四

兵事

六

達南岸時世祖方駐香爐峯因策馬下山問戰勝狀扶鞍起立豎鞭仰指曰天也進圍鄂州張勝堅守不下死之會世祖北還乃命史權總兵鎮江北之武磯山

宋理宗元世祖本紀董文炳張柔李守賢

史天倪傳

景定元年宋宣撫大使賈似道奏薊草坪與元兵大戰進至黃州元大帥兀良哈剌率湖南兵北歸守將張傑作浮梁於新生磯賈似道自鄂趨黃與元回軍相遇用劉整計攻斷浮梁殺殿兵百七十人遂上表言夏貴等戰新生洲進至白虎磯躬自督戰有功

宋史理宗元史世祖本紀及賈似道傳

二年元命鄂州青石磯許黃灘所招新民遷至江北者設官領之

元史世祖紀時元中統二年

咸淳二年元阿朮畧地蘄黃俘獲萬許

元世祖本紀時元至元三年

使知黃州陳奔降都統米立潰圍出走江西被執不屈死明年正月癸酉元兵入黃州

宋史度宗元史世祖本紀及伯顏阿朮諸臣列傳

德祐二年宋淮民張德興起兵殺太湖縣丞王德顯據司空山

與野人原寨主劉源司空山寨民傅高攻下黃州壽昌軍七月丁巳遇元宣慰使鄭鼎臣戰樊口鼎臣墜水死元宣慰使

奧魯赤調兵攻司空山復黃州九月元陷壽昌軍德興死之

黃州復歸元

宋史瀛國公本紀及文天祥集

元

至元十三年興國軍毛遇順等作亂權軍事陳天祥撫之及天祥去復變大江南北多殺守將以應宣慰使鄭鼎臣帥兵討之至樊口兵敗死黃州遂聲言攻陽邏堡鄂州大震天祥言於參政賈居正曰陽邏堡依山爲壘素有守備彼若來攻我

黃岡縣志

卷之二

兵事

六

之利也且南人浮躁輕進易退官軍憑高據險而逼之烏合之眾與之相敵不二三日死傷必多遁逃者十八九我出精兵以擊之惟疾走者乃始得脫乘此一勝則大勢已定然後取黃州壽昌如摧枯拉朽耳居正深然之聞至陽邏堡乃引兵宿於青山明日大敗其眾皆如天祥所料擒其長斬於鄂州市遣諭其徒歸里

元史陳天祥傳

十四年黃州復叛命宣武將軍管軍總管齊秉節討之斬余總

轄於陣

元史齊秉節傳

至正十一年羅田徐壽輝兵起九月陷黃州路敗威順王寬徹不花十三年淮西元帥咬住進討斬黃十六年八月卜顏帖木兒守禦斬黃等處十七年倪文俊謀弑壽輝不克遂自漢陽奔黃州壽輝僞將陳友諒襲殺之并其兵

元史順帝本紀明史徐壽輝傳

二十三年八月明太祖敗陳友諒於江州克其城分兵徇蕪黃
皆下明史本紀

明

正德六年僉事郭詔督兵追劉惠趙鏗等至油河擒獲三百餘
人焚死二百餘人又天雨山水驟溢溺死者千人明世法錄

七年五月河北賊劉六等走湖廣自河南取道麻城至團風奔
舟入江殺都御史馬炳然於爛泥鋪登陸焚漢口為指揮滿

弼等追及劉六中流矢與子仲淮赴水死劉七齊彥名率五
百人舟行自黃州順流抵鎮江至通州颶風大作棄舟走保

狼山官軍蹙之劉七亦赴水死明史陸完傳

正德中劇賊徐九齡嘯聚建昌醴源出沒江湖間積三十年黃
州等處咸被害江南巡撫俞諫討平之俞諫傳

黃岡縣志

卷之二十四 兵事

九

崇禎九年流賊張獻忠出太湖連蕪黃焚邑楓香橋一帶邑文
學鄧雲程兜甲執鐵鞭率鄉兵數千格鬪退之是年獻賊駐
邑之白楊山遂抵西北邑民被殺者六七萬人吏部郎中晏
清率父老請兵於巡撫王夢尹夢尹不應董志

十二年流賊賀一龍賀錦犯黃州與楊嗣昌官軍相持

一十六年春三月二十四日獻忠破黃州城內外官民房舍悉燬
居民盡逃乃驅婦女剷城尋殺之以填塹至四月二十八日
破鴨蛋洲殺居民五月五日遂渡江陷武昌居之蕪黃等二
十一州悉附於是白雲寨長易道三與監軍道王瓚沔陽知
州章曠武昌生員程天一起兵討賊蕪黃漢陽三州府皆返

正明史流賊傳

國朝

順治三年土賊圍黃州先是明季賊亂郡城殘破居民多據險結砦以守合黃岡蘄水羅田麻城共四十八寨在黃岡者王光叔易明甫楊維尙等各據一寨英王自九江傳檄諭之下副將線維綺破之寨遂廢至是陳于藻王接骨等煽亂圍黃州副將唐國臣固守把總鄧克剛自蘄水赴援賊眾敗逃入東山及小李之亂鄧陽用兵檄調黃協兵往援千總田龍見素有異志鄧克剛亦以前功未賞至葉家洲激其眾叛與東山賊合所至擄掠巡撫遣兵至黃會討明年克之府志十年東山李有實等倡亂攻黃州諸堡同知白秉正招撫之遂於石人寨設立千總領兵駐防尋罷府志

康熙十三年麻城東山劉青藜倡言官激民變程鎮邦鮑洪功陳恢恢李子茂等附之先是妖人黃金龍亡匿青藜家潛結

黃岡縣志

卷之二十四

兵事

二

河南賊渠譚以從等私立名號約以七月爲亂事覺青藜恐遂於五月擁眾數千掠曹家河黃守將王宗臣率所部兵駐興福寺麻城知縣屈振奇率鄉勇駐白果進討之劉君孚者青藜之從父素黠者也夜遣七旗砍黃軍鄉勇潰賊勢益張同知于成龍聞警自陽邏兼程進諭散其黨羽因以二人從徑抵君孚營示以至誠君孚素知成龍威信遂率其眾三百人獻傾心向化旗又招洪功恢恢子茂等獻安家樂業旗以降於是程鎮邦出山乞撫盡降其眾金龍遁黃麻解嚴于清端政書

秋七月黃金龍鄒君升復據麻城之紙棚河脅良助亂李家集賊方公孝等附之知府于成龍同知佟養俊麻城知縣屈振奇黃岡知縣李經政次岐亭徵鄉勇三千人進討至望花山

武舉陶之琇貢生彭詰諸人及麻城紳士從之舊宦程鎮邦
獻地圖成龍乃令生員蕭命福蕭士葵劉君孚鄭丹施之瑞
率其鄉勇集白杲生員劉青藜武童董錫董天祿拒寒坡岔
唐殿袁興明何見子等拒塔兒岡劉以廷同伯卜等拒腦中
山生員林斗文鄉保羅甸臣截其糧路夏仲昆余公俊以鄉
兵伏布袋地大崎山僧貫識伺賊於山後龍王墩區長王方
遠等守賊出入隘口貢生吳晉爵生員戴宗禮程士極蔡作
楫助軍糧於是生員吳之鄒貢生龔相旦領眾進勦駐鄒家
河賊聞風夜逃追及油河王方遠獲方公孝斬之夏仲昆等
生擒鄒君升於項家廟斬首四十餘級士民四面攻擊殺賊
無算黃金龍二十人夜走馬鞍山伏兵皆起盡擒之斬其首
餘黨撫定凡六日亂平

政書

冬十月麻城東山李公茂陳頓徹鮑世榮擁眾數千據白水畝
陳鼎業合逃兵由陽邏掠驛馬何士榮自永甯鄉應之賊勢
大熾先是士榮與其兄士勝從吳逆士勝死士榮潛歸習良
爲亂鄉約熊爾忠上其變時鎮兵隨大軍征湖南議者欲退
守麻城知府于成龍力持不可計先取士榮餘賊自潰諜知
士榮據黃土坳乃遣諸生張本恕等徵集鄉勇分守山隘別
遣知縣李經政同生員楊瓊枝陶大定密擒鼎業父子陽邏
平十一月成龍率諸生二十二人次但店黃協千總李茂昇
把總羅登雲吳之蘭百總涂魁凡杜保以所部五十人來會
各區鄉勇至者二千人乃遣武舉張尙聖及登雲以偏師出
黃岡廟茂昇之蘭程鎮邦驛丞李德等大隊進發下春鄉勇
五千大集營箔金寨下八日黎明士榮率賊數萬人自牧馬

巖分兩路來攻成龍分令弁士各率其屬戰於黃土坳之蘭中鎗死茂昇陷陣射賊旗墜馳之馬斃遂徒步殺二人奪馬進戰李德揮鐵棍從之是時登雲尙聖自石山東路追賊越崇嶺數重眾軍齊合大敗之生擒四十八人殺賊無算士榮挾矛走左臂斷猶力戰陷泥中獲之餘黨解散遂乘勝抵呂王城白水畝至甌山河駐定慧寺時周鐵爪萬野于及公茂世榮頓徹據麻城之石壁賊眾數百人將入什子寨兵進戰獲野于公茂於是生員朱愷活擒周鐵爪劉青藜活擒世榮頓徹賊平東山悉定

政書

二十七年五月二十二日督標裁兵夏逢龍叛陷省城旋陷漢陽黃陂六月朔日賊舟蔽江下寇黃州遂入城誘民從賊割辮爲識搜掠富戶近城數十里多被其害越兩月走金口爲

黃岡縣志

卷之三

兵事

三

提督徐治都所敗奔武昌其將胡耀乾不納復至黃州八月鎮武將軍瓦岱引兵至賊將迎降逢龍逃白雲山里人縛送軍門磔於城東五里墩黃州平

府志

咸豐二年冬十二月十一日賊陷黃州先是道光三十年逆首洪秀全楊秀清自廣西桂平金田倡亂踰嶺浮湘稽誅三載是歲十一月由湖南下竄陷漢陽十二月四日陷省垣至是陷黃焚掠而去

三年春正月四日賊在省垣俘男婦約五十萬人奪民萬餘艘蔽江而下疾趨江南黃州復遭殘掠

夏六月高唐州敗賊由豫竄楚約數千人至麻城宋準奪舟將由鷺公頸出江同知伍惺張曜孫伏兵殲之殆盡

秋九月十五日賊陷黃州知府金雲門死之初總督張亮基聞

九江賊上犯遣前武同知勞光泰率礮船駛至田家鎮飭糧道徐豐玉漢黃德道張汝瀛會辦防勦編巨筏橫江載礮以截賊路賊已踞田家鎮之半壁山臬司江忠節由瑞昌興國趨至按行營壘嘆曰此天險也而軍情地勢兩失之謀以次日移營羊角山日晡會食賊居山開礮下擊防兵遂潰徐豐玉張汝瀛陣亡時九月十三日也賊水陸並進遂踞黃州四年春正月十五日軍營覆於堵城總督吳文鎔死之先是三年十二月初十日督兵進勦斃賊數百名時連日大雪諸軍凍餒有死者賊繞道出大營後設伏林麓間十五日全股悍賊自黃州廬至連營火起兵勇大潰吳督殉難臬司唐樹義率礮船退走金陵坐船被賊擊沈臬司落水死

黃岡縣志

卷之三十四

兵事

三

秋八月曾文正克復武漢兩城餘賊潰竄黃州署知府許賡藻知縣翁汝瀛帶團追勦收復黃州

五年春正月朔日總督楊需軍潰於廣濟奔赴德安賊上竄黃州陷知縣翁汝瀛率勇追勦戰於漢口下關敗績死之

六年夏四月馬步兵勇大破賊於柳子港三店初賊覘麻城屢爲團勇敗阻至是嘯聚新洲眾約三萬官文恭公檄黑龍江營總多隆阿吉林參領額爾庫率馬隊會同知府許賡藻知縣葛致遠集勇助勦行至柳子港西賊於東岸列陣以待馬隊矢不虛發應弦而倒賊不能禦紛紛潰退軍功吳之傑偵賊欲歸三店巢伏勇楊汝河叢葦處賊果至乘其不備槍礮齊施生擒僞檢點指揮將軍各一人長髮賊八十餘人進勦三店馬隊隨至斬獲無算追奔百餘里敗之於團風鎮

夏六月官軍勦賊獲勝進攻黃州先是沙口陸營獲賊諜知僞翼王石達開圖上竄官文恭派荊州將軍都興阿黑龍江營總多隆阿投誠四品軍功范潮蘭率馬步兵至堵城禦之接仗大勝賊敗走是時知府許賡藻知縣葛致遠亦以團勇助勦乘勝毀黃州城外賊壘沿江礮船日夜轟擊子落城中如雨賊猶困守不下

冬十一月二十五日官軍克復黃州先數日武漢克復楊提督載福率水師清江面官大臣文恭胡巡撫文忠分師三路賊望風瓦解大戰於樊口各路斬首三千餘級合兵圍黃州賊賊二千餘焚燒賊營毀水壘四座遂復其城楊提督統帶礮船破巴河賊卡焚賊數百艘黃州平

七年夏六月巡撫胡文忠禦賊於黃岡盡殲之先是閏五月皖

逆悉回竄官文恭飭水陸弁兵扼要設防上竄之路始絕另股孫家嘴留書灣踞逆當黃岡蘄水之衝胡巡撫遣李續宜率五營進攻以馬隊舒保繼之左光培率水師會勦弁令候補道唐訓方都司余雲龍余際昌分途設伏以拒柳蘭灣馬家潭之援賊又派參將何紹彩繞山岡爲疑兵防其抄擊五路皆捷統計陣斬及溺斃者三千餘名而馬家潭大石港等處賊勢尙強李續宜舒保率馬步兵分三路進焚其老營營中賊悉燔死此外網張禽獮無倖免者黃岡肅清

八年夏巡撫胡文忠駐黃州籌楚皖軍務十年冬移駐太湖縣十一年春二月初八日逆首陳玉成竄蘄水遣悍會假官軍旗幟襲黃州時知府周炳鑑方試士未及設防城遂陷賊踞後築壘濬濠爲持久計

秋八月二十四日克復黃州是年南岸肅清官文恭調派記名
總兵成大吉候選道蔣凝學知府毛有銘率所部十八營由
南岸渡江知府周炳鑑知縣薛元啟已集勇駐新洲爲官軍
助勦七月十八日總兵李續燾等馬步進紮迴龍山攻戚家
嶺賊三路獲勝總兵成大吉以千人駐上巴河援賊數萬圍
之大吉伺賊近撲營槍礮齊施賊死傷山積餘遁去嗣水師
副將成發翔督參將丁長春等會合陸軍敗賊於玉帶橋焚
卡壘殪其悍目賊悉入城負隅固守環攻不下有邑人劉維
楨應郡試爲賊擄令幫文件至是授之兵使佐守蘄州乘間
以大義諭衆遣心腹詣督轅密陳黃城賊情請以計復官文
恭嘉許之給藍翎五品軍功并檄知水陸各營相機策應維
楨僞爲賊援率衆至三台河對岸造陳玉成僞文投城中賊

果突圍出伏兵四面起合力併擊殺賊無算其竄往三台河
者復經維楨迎勦殲溺殆盡水爲不流郡城遂復

同治元年閏八月逆首陳得才糾合捻首陳大濤張總愚張落
刑等竄至孝感之小河司黃岡戒嚴賊旋颺去

二年春三月捻匪竄踞麻城白果鎮賊馬駛入黃岡北境經官
軍擊走之是年九月捻匪復由黃陂下竄疾馳一晝夜至縣
屬之倉子埠李家集汪家集新州等處徧遭焚掠旋北竄去
三年夏五月二日逆首陳得才糾合張總愚賴文光任柱諸捻
首衆數十萬直竄縣境自道觀河舊街柳林倉埠李集新洲
馬鞍山淋山河迴龍山孫家嘴等處縱橫二百里間賊壘賊
館密如比櫛陳得才踞麻城之白果二十七日總兵成大吉
石清吉兩軍至捻逆圍攻成總兵親執旗鼓士卒浴血苦戰

礮子雨落賊不支始南竄出縣境初科爾沁僧親王督師至隨州勦辦擒匪至是其先鋒陳國瑞總兵姜玉順馳至麻城適擒匪由皖豫竄麻城追斬其僞天將於木牌樓賊狂奔下竄於八月二十九三十兩日過縣境大肆焚掠九月僧親王至上巴河與官文恭會商合勦弁飭安徽兜勦賊勢窮蹙逆首陳得才服藥死降賊數萬餘人惟張總愚賴文光任柱等不降十月五日復由巴河迴龍山新洲焚掠北去

四年冬十二月擒逆由豫皖被創入楚賴文光牛老紅等竄向黃岡又值總兵成大吉營勇丁缺餉潰於宋埠賊乘勢呼嘯而至眾數十萬大江以北烽火彌月不絕居民渡江乃免江南岸及羅湖洲流民露宿加以饑風虐雪愁苦萬狀

五年春二月曾文正奏派提督劉銘傳率所部進援黃州遇賊

接仗大獲全勝賊乃折回豫境是年縣屬各區結砦自保

六年二月擒逆復竄縣境推張總愚爲首號小閭王擁眾數萬大肆焚掠居民皆徙入砦郡城戒嚴督學使者方按臨考試賊燒堵城南去巡撫曾國荃派福建汀漳道彭毓橘追勦在蕪水敗績彭道陷泥淖中死道員葛承霖記名提督羅朝雲王仕益陳致祥鄧泰福等皆陣亡賊旋於十九日由迴龍山淋山河道觀河北竄去七年六月官軍合圍擒匪於運河張總愚投水死黨匪數十萬皆滅擒患始除

團防

咸豐二年冬粵逆竄入縣境旋卽颺去三年秋復踞郡城漸窺村鎮猶以納貢安民愚鄉里四年春吳督師潰夏省垣陷勢益張逆首徐瞎子杜總制踞郡城僞丞相吉賊踞倉埠逼民

蓄髮編冊人人義憤填膺莫敢先發倡義者惟張店區民先是二月初八日賊掠該區赤土坡殺村民江大悅懸首於巴徐兩姓村巴徐怒以田器擊賊斃二十三名賊敗走遂糾區眾團結並錢家堡之近張店者聯爲六合旗得勇萬餘各造刀矛旗幟抄捕附近賊館擒斬數十名賊不窺境者數月此張店練勇之始也六月十八日大股賊韋正擁眾萬餘水陸並進團勇小挫陣亡十餘人被燬六百餘家次日復集勇萬餘奮力苦戰賊大敗走張店練勇之名遂震大江以北賊圖報復者數次皆敗去是時知縣翁汝瀛方練勇於潘塘區潘塘戶殷富蕭彭大族籍之得萬餘勇編成部伍諭監生羅海源鄭尙忠爲之長軍聲頗壯於是迤東道觀河區之生員洪鈞陶時敏徐古區之生員陶昌運陶宜燮武生徐起鵬新集

區之生員李學暢下謝店區之貢生梅發魁易家河區之監生鄒禧等起團應之迤西嘉魚村區之生員朱福源布照磨銜程履坦監生程鵬舉程鵬彩三店區之副榜黃炳珩武舉蕭兆寅生員黃澍監生黃鳳儀柳子港區之從九胡國安副榜徐方炯廩生胡錫渠生員徐文棣縣丞銜胡忠佐署正銜徐玉珂等起團應之張店得潘塘爲聲援又喜各區之應也膽氣益壯七月五日擊賊於汪家集七日擊賊於新洲十日擊賊於淋山河均敗之十三日倉埠踞匪僞丞相吉逆大隊來攻張店勇禦之馬鼓山錢家堡高姓勇夾擊之先是舉人高浚起族團擊賊六月二十二日敗賊於金家橋殺斃多名嗣復約族人起元式華心杰等整理團務與張店合至是聞警來助協力鏖戰婦女餉食相持三日生擒數十名殺賊數

百獲馬二十四匹追斬至陽邏界埠而還麻城紳民喜其過賊上竄以米二十石豬十口犒之斯時也浚命其子德光同監生胡廷杞武生張大鵬周廷鏞詣潘塘陳齊團狀汝瀛即日率潘塘勇移駐李家集調遣傳諭張店以訓導鍾應鸞文童羅景蘭人民巴玉鼇巴廣盛潘國治潘慶芳程鴻賓江運泰陳保和張惠瞻監生吳泳附生鍾臨書爲團長錢家堡以從九邱振聲庠生喻九芝陳箭東張仁增生沈彪炳監生汪秀鍾沈鴻鈞職員饒美彥爲團長李集區以舉人張百揆廩生游鴻運爲團長張集區以衛千總張致清監生胡廷杞張瑞楚爲團長東馮區以舉人周禾田武舉劉定宇武生張大鵬周在田爲團長西馮區以廩生盧璫采生員羅文彪武生羅權爲團長汪集區以監生萬植槐庠生汪希文爲團長石

屋山區以布經歷陳履亨監生陳蓮爲團長周余堡區以職員郭秉忠府經歷郭瀛洲翰林待詔郭源遠爲團長余氏族團則武生余獻芳領之部署既定遣潘塘勇歸區自保選張店驍健數百人爲官勇各區勇口糧自備官勇由官勸捐按日給糧嚴守待敵是時武湖賊舟出沒欲內犯汝瀛會倉埠巡檢黎海初率勇駐埠待之賊夜來襲於火光中擊敗之八月二十三日曾文正克復省垣餘賊竄黃州汝瀛率張店暨各區勇復黃州城總督楊需賞張店義民旗十面米三十石豬十口各團長均經詳請給職銜頂戴有差此四年邑西北團防之大略也其練勇於邑東北者職員江履和擊賊於宋家坳中書林在田職員王嶽擊賊於把持嶺耆民王崑岡戴華桂團練勁勇屢擊賊於三廟河鐵冶之於瑞芝楊在朝周

利魁於益聰亦練勇殺賊於三廟河而其最著者則監生丁
之元教職胡華潤之元捐貲募勇尤善拊循陣亡者棺殮之
並卹其家故勇樂爲之用屢敗賊於七道河上巴河等處並
帶羅田麻城勇攻蘄水團陂野鶴山賊擒斬靡遺華潤勇於
倡義三年夏賊由河南回竄潤督勇截勦擒賊目唐惻化文
六順二名四年三月賊竄三廟河潤遣子增貢生同治姪文
童忠黼帶勇會勦擒斬賊八十餘名黼亦遇害冬十月賊冒
委員騶從甚眾潤廉知其偽會各堡勇圍捕當斬三十餘名
生擒張登敖等二十四名解縣訊梟此四年邑東北團防之
大略也

五年春正月楊督師潰於廣濟賊沿江上竄烽火晝夜不絕知
縣翁汝瀛集勇於新洲勇聞縣諭如子趨父事新洲夾河旌

矛林立計二萬餘人適大營驍將劉富成收潰卒至新洲勇
素耳其名氣益壯人皆自奮偵知賊隊已過陽邏遂鼓行而
西初十日抵漢口下關賊聚闐闐間我勇牆進賊以槍擊之
勇伏避槍再擊再伏忽有奸細騎而呼曰勇敗矣後隊遂亂
賊噪而出前隊不支遂大敗知縣翁汝瀛死之舉人邱文暨
紳勇從死者眾語在忠義傳時署黃州知府許賡藻駐勇倉
埠聞敗移駐新洲探知張店陣亡二百餘人皆勁勇也親往
該區爲酒食勞父老父老曰賊戕我子弟誓不與俱生但得
官給口糧尙不乏壯健望勿解散團練賡藻壯其志遂招在
籍刑部主事吳榮舉人高浚胡濬經周禾田張百揆拔貢錢
崇蘭副貢徐方炯從九胡國安王自籛監生胡廷杞等籌捐
張店勇糧新敗之餘富商多徙措手萬難賴有張集區監生

張煥清捐制錢二千餘貫爲之倡始有繼者胡文忠所爲旌以義士也於是西路有警以張店勇應胡廷杞率之東路有警另募同仇會三百人王自箴率之勉力支撐日久將憊時團風巡檢高禮代行縣事呼應不靈局紳吳榮等商同舉人汪鏞鐘副貢錢崇柏增貢胡同治廩生游鴻運盧璫采生員陳箭東武生張大鵬等稟請藩憲遴委幹員督率黃岡團練時徧地賊氛苦不得達張大鵬以稟納繳柄中晝伏夜行雜難民渡江抵省垣繼而入藩司夏廷楨延見之詢團練狀甚喜委棟發知縣葛致遠攝黃岡縣事此二月初旬事也三月二十九日始至李集四月初二日率各區勇勦賊於頂子山大獲全勝語在葛致遠傳嗣是益整團務傳諭倉子埠以監生熊錫璵等爲團長陶山鋪以廩生夏慶週等爲團長周山

鋪以范玉鴻劉唐傑等爲團長新洲以監生熊醉經爲團長其河東以武舉廖玉森監生巴利周毛翊臣爲團長河西以武生曹興舉爲團長辛家冲以在籍知縣王際雲王自筠爲團長校魚寺區以廩生汪丹林後中京闈更名洪壽爲團長黃林六堡以儒士黃作霖爲團長舊街區以教職胡華潤生員梅兆棠程樹森爲團長夏家阪區以儒士夏連慶等爲團長縣選張店及各區勁勇並僧盜之魁傑者五百人曰官勇由局給發口糧以軍功孫紹東曾鼎芳庫百喜萬正喜蕭芝鳳武生王遐春分領之各區均選勁勇自備口糧隨官調遣曰團勇有警則官勇團勇應之事益急則各區起全勇助之時賊每踞陽邏團風兩路有警勇卽出應戰不勝紀其最著者五月初八日陶山鋪之戰十三日柳林河之戰斬馘無算我勇亦有

傷亡十七日自降雨廟轉戰至沙溝橋生擒僞指揮李義一名長髮老賊三十餘名殺賊無算此後悍賊多踞團風七月致遠率勇駐淋山河追攻團風前隊逼賊賊乘舟遁致遠督隊於盤石橋夏家阪等區新集勇駐其後賊忽由東路抄至新集勇奔死亡過半致遠亦瀕於危幸前隊見後路火起急奔回救孫紹東等浴血苦戰翼致遠出致遠手刃數賊而身無寸傷人以爲神八月賊復聚於團風九月致遠復率勇擊之三十日賊以由新洲進不利改用舟師由萬家汊入錢家堡勇禦之於兌公嘴伏礮兩岸擊之賊驚潰落水無算斬首十餘級十月十五日賊隊虜至約萬餘人徑犯新洲駐之四面團勇雲集金鼓聲相聞張店勇復夜襲之賊懼竄回黃州自是致遠聲威大震十月有賊目范潮蘭領賊七百人由南岸渡江乞降受之十一月十一日賊復攻新洲勇禦之於劉集河西敗走死傷百餘人斯時練勇擊賊將週一年官勇口糧漸形支詘從九胡國安等往告麻城各團長該團長以岡勇爲守門戶樂飲助之自舉水泛舟來者米數百石勇得於卒歲時一飽焉

六年春賊踞團風時擾淋山河爲窺伺麻城計先是五年夏知府許廣藻帶黃安勇駐道觀河邊賊上竄至此閱半載矣賊伺其懈擊之知縣葛致遠偵知賊情移駐三店時出勇柳林一路乘閒攻勦爲牽制之謀柳子港三店等區時起全家勇濟之共計十餘戰屢有斬馘四月賊眾三萬上犯經官軍馬隊擊敗是役也隨馬隊追勦者約數萬人不待官紳徵調見馬隊至人人奮勇馬隊衝其鋒團勇四面兜裏賊罕得脫賊

受大創鼠竄黃州負隅固守六月官文恭調撥馬步礮船圍攻黃州葛致遠督帶各區團勇隨官軍進攻而張店錢家堡柳子港爲尤力各勁勇奮力敢前剗賊卡填賊濠架雲梯挖地道積薪城門以火攻之官軍施槍礮子落城中如雨相持月餘城中賊窘甚惜官軍因事調赴省垣勇亦撤回此次城雖未下賊已破膽矣十一月官軍克復黃州致遠帶勇入城距去年重整團練時將週兩年除各區自備勇費外統計勸捐官勇口糧制錢數萬貫皆出於西北一隅亦可見同仇之義矣

七年夏六月皖逆上竄巡撫胡文忠勦賊於邑東是時知府許賡藻帶黃安勇駐牛車河東嶽廟知縣葛致遠飭軍功孫紹東等帶領官勇駐蔡店城山一帶以柳子港等區勇歸府調

遣錢家堡等區勇歸縣調遣皆自備口糧兩月餘事平始撤十一年春二月逆首陳玉成襲黃州踞之知縣薛元啟徵勇於李家集在籍刑部主事林鏞捧官文恭檄至襄辦團練捐輸武昌訓導汪寶忠亦來會元啟遂招舉人高浚周禾田張百揆盧璲采徐方炯錢崇蘭錢崇柏武舉劉定宇羅權副榜林燮元都閩劉照奎廩生游鴻運生員張崇鼇萬成模監生張煥清胡廷杞劉紹瀛等籌商團防事宜一切悉遵前任舊章各區團長均整練務官勇仍以千總孫紹東等領之三月官文恭先撥總兵李續燾一營駐鶯公頸四月李總兵孫千總會率營勇鄉勇進攻黃州不克而還五月初旬官文恭調派記名總兵成大吉候選道蔣凝學知府毛有銘率所部十八營至駐毛家鋪知縣薛元啟駐勇新洲助勦官軍以次東下

漸逼黃州皆以鄉勇爲嚮導八月二十四日黃州克復仍留鄉勇守城事平始遣歸是年仗官兵聲勢勇無赫赫功然以悍賊踞郡上連德安而邑西北一隅得安耕鑿捐金輸粟猶足供億官軍未始非團防力也此後粵逆就衰捻逆復煽合縣地方均結砦自保砦均繪圖存縣有案

同治四年冬十二月捻逆賴文光牛老紅等竄擾黃岡是時內湖水涸水師不能堵截賊可近城知府黃益杰署知縣林讓昆督率紳耆訓練丁壯城中分甲四甲各有總有佐有棚頭分段防守日夜巡緝至五年二月賊退乃罷嗣於五月興工修城至十一月竣工各紳監理勤勞薪水自備迅速告成鉅工六年春捻逆張總愚復竄縣境是時九鄉居民遷徙入砦郡城戒嚴署知府牟嗣龍署知縣吳鳳笙復率紳民舉辦城

防正值學使按臨八屬應試者雲集尤加意盤詰賊知有備大股由堵城南竄旁擾郡東大肆焚掠其避難桃花洞神山兩寨居民數十萬計人心惶恐適邑紳劉維楨率忠義全軍襲後掩殺賊敗走郡城解嚴其修城垣出力者儘先守備徐兆達副榜王兆翔生員陶鍾夏承恕黃際雲姜步雲監生王緒垣曾甫光蔣茂株殷道鴻曾唯吳春榮李永鴻龍炳章戴如洋職員郭利賓魏鴻倪光斗陳希準馬明照何朝彥吏員胡澤潤黃引亨陰陽學鄭如梁份生李大霖文童陳文藻謝庭榮許裕堂盛承先耆民舒大鉞歐學源據黃太守益杰補修府城碑記登載其城防出力敘功者從九銜郭利賓高聲遠曾秉鈞吳秉緒典吏胡澤潤生員陶鍾文童黃引亨盛承楷份生李大霖俱以從九品不論雙單月選用候選巡檢吳春田加州同銜藍

翎選用知縣李元清加同知銜布理問張寶森改爲議敘此外尙有團總殷道鴻龍炳章涂厚錕陳文藻歐學源許裕堂蔣茂株謝定謙戴如洋袁運貴鄭如梁陳希準楊世源王緒垣陳定升何世杰黃家駿夏承恕謝庭榮朱際庚舒大鉞白開學李永鴻張廣勝馬存受石鈺張崇本曾起鳳黃家典黃品三何士棠李大本李耀南鄴獻廷盛承光盛文辛王宗華魏純德魏鵠孟正均俱奉文獎給功牌

釋道 寺觀附

二氏之說近似亂真放而距之宜也然而更生好學嘗傳列仙昌黎闢佛亦序釋演初何嘗絕其人火其書哉況兵燹以來間有衣緇衣陷白刃不為賊屈者雖不得上旌於朝亦何可與遊方衲子采藥真人同聽其湮沒不彰乎錄而存之連及寺觀蓋不欲以虛無妄誕概置之也

晉

葛洪字稚川句容人咸甯中為散騎常侍通神仙導引術以交趾出丹砂求為句漏令號抱樸子世傳其鍊丹處凡十有三今元妙觀有井其遺蹟也

梁

宋益青州人番禺刺史棄官隱黃之黃齡洞有仙術能役鬼神

黃岡縣志

卷之二

釋道

三

救疾疫後人祠之嘗有應唐封顯應侯宋加封靈濟侯

按黃梅志

謂即福主神

唐

浮屠道泓邑人唐中宗時與侍郎張敬之善敬之子冠宗以父蔭宜入三品私詣有司言狀泓坐間忽曰君無煩求三品也敬之大驚已而知出冠宗意嘗為燕國公張說市宅戒無穿東北隅他日見曰宅氣索然云何視東北隅穿丈餘矣泓驚曰富貴一世而已諸子將不終後果如其言

齊安深通禪理每說偈從當境點悟有偈云猛熾焰中人有路旋風頂上屹然棲鎮常有劫誰差覺杲日無言運照齊人莫能識

壽禪師居護國院弟子問如何是一路涅槃門師曰寒松青有

千年色一徑風飄四季香問如何是靈山一會師曰如來纔一顧迦葉便低眉後證果尸解

德嵩居黃州柏子山栖真院嘗上堂舉寒山撫掌欣欣拾得哈哈大笑大眾問二古聖何笑嵩良久更大笑曰蓮花一朵再逢逢不知胸中是何境界也

張慙子行止如狂見人輒罵云放火賊見紙輒書鄭谷雪詩人使力作終日不辭時從人乞予之錢不受冬夏一布褐三十年不易

宋

丐者趙生高安人蓬垢好飲酒見人輒言宿疾與所爲善否元豐中蘇轍謫筠生語以養生治性時年百二十有七矣久之來黃州謁蘇軾畱半載軾歸從至興國爲驟隄死興國守楊

黃岡縣志

卷之二十四

釋道

三

繪葬之後有蜀僧法震至京謁軾云遇於雲安酒家詢其狀良是興國人發瘞視之惟一杖及兩脛骨存

明

柳夫人其先蜀人祖秉忠父正皆仕元夫人生而靈異齡年遭賊刃無所傷稍長好道家言歸龍氏有子父謀抗明兵止之不聽與壻敗死家俘焉洪武初放還夫人溯舟江上至武磯愛其林巒洲渚請地於官許之因入山績麻七日有老叟袖書一卷授之是夕風雷拔木鷲獸潛藏乃剪荆榛而居焉時將軍鄧愈討麻陽道過陽邏徼服雜眾人往見夫人獨指之曰將軍何不興乎且將軍無輕敵脫有難吾當助之見羣鴉衝陣則我來也愈進兵果敗且急聞鴉聲接羽而過則夫人緋衣躍馬風霆迸折沙石如射遂克麻陽事聞賜封妙真夫

人建祠武磯上後年九十餘卒子才七葬於武磯之陰世爲柳姓舟商祭曰水神鄉人以爲痘神皆祀之

楊師失其名住鐵爐寺言事輒驗鄉俗歲上元設諸天會爭得師至期皆有師在鄉人鄭賈將之彭蠡師送之曰行有難然無害也一日與人弈忽睡俄而覺屢襪盡濡及鄭賈歸云是日大風舟幾覆見師以足鎮舟遂得濟年百餘歲化去有二女皆修行一住鐵爐寺一住彌陀菴後不知所往

荷鐘禪師俗名拗鐘不知何許人明萬曆時師以繳柄荷大鐘至聖泉寺山下耕夫十餘人見而訝之師曰僧力倦矣檀越爲我送上山可乎眾欣然齊扛之不能移有頃僧仍自荷至寺中今鐘猶存有遺像祀之

釋死心明末諸生袁文煒也遊京師祝髮於崇國寺公安袁宏

黃岡縣志

卷之二十四

釋道

三七

道招之作吳越遊已而歸愛大別山水遂住藏經閣更築室以養母

國朝

僧谷庵邑人棄儒爲浮屠嘗住郡城報恩寺明末杖錫遊白下及維揚十餘年返則寺廢於兵燹乃摩頂重趺獨力募修邑中汪治夫學士洪半石太守陳公瑜儀曹韋莪斯銀臺及諸名士爲作疏及題詞皆書之募冊藏於僧徒後二百年邑人王燕賓重摹其小影並原書冊子珍藏之

僧靈野不知何許人崇禎末忽來大雅冲危坐石崖下渴飲澗水飢餐山果年餘不出居人醵金爲建得雲寺野日夜誦經不輟有一虎一犬伏座下歲大旱野以錫杖指崖旁令工掘之清泉湧出今名卓錫泉後虎犬斃野爲建塔瘞之土人疑

年問之不答一夕坐化約在百歲上也

僧靜悟張家畝王氏子少孤與弟悟容皆爲僧悟容學九龍仙化去靜悟師雙臺得臨濟之旨面壁長嘴庵二十年後遊麻城之東山就虎洞而居土人恐謀逐虎勸止之久亦不怪也初不識字至是能爲文乃譔文鐫石於父母墓復還洞齧松葉十餘年卒相傳有肉身在焉

僧亂峯住五雲山言笑不苟精解禪理工詩有老卒識之曰明末鴻臚寺堂上官也忘其姓名其徒自性名明斯麻城人嚴守戒律參悟有得住白虎寺禱雨立應

僧晦山名戒顯明末江南諸生或云太倉王元達張采之門人自江西雲居山來黃舟過西塞有大魚負之舟人皆懼戒顯爲摩頂說戒而去住安國寺以詩文見稱其登黃鶴樓詩云

黃岡縣志

卷之三十四

釋道

三

誰知劫火憑陵後猶得重登黃鶴樓煙樹已隨人事散長江依舊大荒流楚王宮殿銅駝恨仙客乾坤鐵笛秋極目蒼茫悲慨遠一瓢歸挂亂雲頭書法二王人爭寶之

僧朗然九江人國初卓錫於邑之廣興庵掩關卻掃焚香誦經聲琅琅不絕尤通神悟知休咎然不恆爲人道圓寂後其徒合塔瘞之庵側人遂呼爲生公塔焉法裔了塵素高潔善畫墨蘭工音律常坐安國禪林方丈蓋得其衣鉢傳云

釋此山康熙間結茅安國寺南募修成廟曰雨華林性慧悟能前知不妄言時與眾僧說偈遇高士輒講禪理能詩其餘技也雍正初無疾而逝

法楷倉子埠大覺寺僧乾隆二十四年中和鄉旱居民禱雨不應法楷臨壇作法未畢雨沛然降歲大熟知縣蔡韶清旌以

道同元濟額

宏道居團風善濟寺日夜持誦法華經忽語眾僧曰月之十五日吾當圓寂及期沐浴更衣焚香索筆書偈曰堂堂無去亦無來體露真風絕點埃七十一年端的事好隨流水入天臺擲筆端坐而逝

釋慈航歷主叢林方丈晚駐錫上巴河之法王寺嘗閉戶入定窺者見頂上有光數點聚散如螢邑宰王方山與結方外交圓寂時飲檀香水七日壽八十餘

道士陶光斗號北窗新建諸生作幕百粵舟覆遇援遂棄塵世事遨遊鄂渚襄鄖間吳觀察守黃時招來住智林村遂駐鼎焉鶴髮童顏時與山左冷芝岩司馬燕山李樸園太守富陽周芸皋觀察相酬唱泐士王香雪爲刻其北窗詩存後子然

黃岡縣志

卷之二十四

釋道

三

去不知所終

僧能善住持劉婆岩寺中性恬淡有戒行幼未讀書經典懵如也然歲旱虔誠祈禱科頭跣足曝日中言雨期輒驗

僧福清武昌人棄家落髮於邑之修靜庵日夜掩關趺坐誦經不輟積十餘年其坐處夕輒有光後潛往庵後積薪舉火自焚

僧蓮池文岐寺住持也有戒行談休咎多奇中一日有操生過寺適會食羣擊木魚生詰曰清靜法門因何敲魚下飯池應曰只爲他不跳龍門故須敲打不數月生果因事株連被縣官責後入邑庠池年九十八坐化

僧克阿東絃鄉龍氏子性好善多放生壯年祝髮於安國寺日以擔水爲事與人言多奇中道光十一年元旦阿擔寺池水

與江水互易羣怪問之答曰二水終必合是年江水果暴漲入城人益奇之問事者無虛日然有應有不應也

僧覺慧熊氏子也少孤貧爲人傭工性不苟葷中年祝髮大崎山能仁寺晝夜誦經不輟外癩內慧談休咎多奇中能治病不受謝圓寂後葬崎山龍王坳病者禱其墓輒驗

僧空禪住下方廣寺誦經參禪不履生草不踐蟄蟲同治三年十二月閉關入定六年開關冥心見性語休咎輒應自言十二月十五日當圓寂及期果逝

僧明星勇敢有戒行祝髮於梵王宮嘗隨鄉勇擊賊有功咸豐五年正月賊上竄黃州城陷星與明照明清立行諸僧從知縣翁汝瀛勦賊於漢口敗績死之是年十月十五日其徒懷彥元坤復禦賊於吳泰村南四方湖皆陣亡同時有僧海脫

黃岡縣志

卷之二十四

釋道

四

廣盛悟蓮明新明燕明遠開朗滿情鴻禧能和滿容勝明普應者皆先後遇賊殉難

寺觀附

報恩天甯禪寺

在青雲路巷唐貞觀五年郡人曹仁濟捐基僧

寺內有天啟五年所鑄銅佛及羅漢像崇禎時重脩燬於兵

燹國朝順治初僧谷庵募建康熙初知縣徐縉復建地

觀音二殿於大殿之東籬有落成詩乾隆初中二殿漸傾

五十八年知府先福率各屬牧令捐廉於舊佛殿供奉

牌更名為報恩萬壽寺道光二十八年知府祁宿藻知縣

安國泰平講寺

在城東南二里唐顯慶二年郡人張大用捐基

始名護國嘉祐八年賜今名未詳孰是東坡志林云昨日太

守楊素通判張規邀余出遊安國寺蓋名利也明洪武初及

萬曆戊戌再葺之國朝順治中黃州協副總兵張大治重

修鼎建藏經閣邑紳孫錫蕃有疏記乾隆中知府先福重新

黃岡縣志

卷之三十四

寺觀

四

過而自新焉其明年二月至黃舍館粗定衣食粗給閉門卻

掃收召魂魄退伏思念所以自新之方反觀從來舉意動

作皆不中道非獨今之勝悔者於是喟然嘆曰道不足以御氣

觸類而求之有不可勝悔者於是喟然嘆曰道不足以御氣

性誠佛僧求一洗之得城南精舍曰安國寺有茂林修竹破

池亭榭間一二日輒往焚香默坐深自省察則物我相忘身

心皆空求罪垢所從生而不可得一念清淨點汗自落表裏

儵然無所附麗私竊樂之且往而暮還者五年於茲矣寺僧

日繼連為僧首七年得賜衣又七年當賜號欲謝去其徒與

父老相率留之連笑曰知不足行連日寺未有不殆率謝去

媿其人七年余將有臨汝之行連曰寺未有不殆率謝去

余不得辭寺立於偽唐保大二年始名護國嘉祐八年請記之

名堂宇齋閣連皆易新之嚴麗深穩悅可人意至者忘歸歲

正月男女萬人會庭中飲食作樂且祠瘟神江淮舊俗也四

月六日汝州團練副使眉山蘇軾記國朝徐惺安國寺放

生池記黃州安國寺旁有蘇子瞻放生池居民占業久就汗

縣爰止寺中弔坡仙之遺蹟慨政之久墜出俸若干就居

民贖還官稍加疏浚仍為放生池以寺僧主之唐白居易

杭卽西湖為放生池宋神宗大有為之君聰明自許更絃守

網用兵西夏有事交瀘法令毛舉斯民頓困是時子瞻守杭

濟西湖灌漑田畝歲放魚鱗贏介數萬億計為天子祝壽在

黃亦然所謂云何謂夫人主好生齊年如天不必好大喜功

勞神外物求海島之靈藥問神光於齋房第使百司奉職守
廉布公小過不敢忽一物必得所即臣子岡陵之頌愛君之
極致矣今天子聖文神武薄海內外閩澤旁洽上下鳥
獸魚鼈咸若而猶數放肆赦永除肉刑革部寺之苛條賜高
年之酒帛率用舊章無所更易蒸蒸熙熙品彙獲遂雖禹泣
湯網不足彷彿聖德又何唐宋之主所能企其萬一哉
某既復是池亦以宣揚皇仁無細不被遂為頌勒諸石
乾坤清奠品物含靈肖翹動罔匪帝仁天波涵濡包
括海壑會是汗池而曰放生過亦無小善亦無細性命羣分
仁者一視百爾君子推恩廣惠我作頌辭風我屬吏蘇軾
安國寺浴堂詩老來百事懶身垢猶念浴衰髮不到耳尚煩
披衣坐小閣散髮臨修竹心困萬緣空身安一床足豈惟忘
淨穢兼以謝榮辱默歸無多談此理觀要熟又安國寺尋
春詩臥聞百舌呼春風起尋花柳村同城南古寺修竹合
小房曲檻深紅看花歎老憶年少對酒思家愁老翁病眼
不羞雲母亂鬢強理茶煙中遙知二月王城外玉仙洪福
憐一生耽酒終無錢新妝快馬爭風鳴雜佩玉川先生真可
明王一翥同方還青邱過之兒洽遊安國寺詩楚地悲風滿
幽蘭采已非尋燈魚市暗訪寺圃蔬肥塔裂前朝恨經焚過
客稀武昌多霸跡臨岸易歎歎寺圍肥塔裂前朝恨經焚過
廓寥嗟久宦僻遠歎吾生龍井孤亭在雪堂舊砌平微君思
往緒感不獨山城洪周祿安國寺詩荒草城南異昔時獨

黃岡縣志

卷之二十四

寺觀

聖

雷頽寺帶殘碑何緣不日成金碧想屬前生借護持塔影半
敲寒月塢鐘聲遙度晚烟湄江秋兩岸安禪地悲仰雲居法
雨垂呂禱夏日安國寺禪僧有作勝域依城轟幽尋入夏
偏更攜方外侶來上度師筵嵐色羣峯接江聲萬里連徑荒
餘古柏地僻噪叢蟬忍草經行茂曇花拂翠鮮尼珠閒映日
篆縷靜騰煙寶鐸鳴虛籟金沙溜細泉涼宜甘露灑香似逆
風傳馴鶴窺人舞靈虬隱鉢眠神通千界外身寄五居前盡
了塵中幻翻憎定後緣誦經觀具葉轉語吐青蓮小品籤從
下波旬說俱捐冥心超有漏觀世得無邊等等忘諸相寥寥
證象先但看抽壯鑰人已自脫筴知誰極燃燈信有年幸逢龍
劫灰離火宅法路引人天操筏允禎安國寺詩香臺飄落殿蕭
樹客笑擬虎谿還國朝楊允禎安國寺詩香臺飄落殿蕭
蒿前度人還續後勞捨宅姓名會不改塗丹歲月正週遭三
神湧出金輪實千佛飛來碧海濤共指禪心誓安國麟圖獅
座兩
峯高

大雲寺 在城南五顯廟右今廢

承天寺 在大雲寺前今廢 宋蘇軾記承天夜遊元豐六年十
月十二日夜解衣欲睡月色入戶欣然起行念無與為
樂者遂至承天寺尋張懷民懷民亦未寢相與步於中庭庭
下如積水空明水中藻荇交橫蓋竹柏影也何夜無月何處
無竹柏但少閒人

如吾兩人者耳

乾明寺

在城東定惠院內今廢。宋蘇軾雪後到乾明寺遂宿苑雪詩門外山光馬亦驚階前展齒我先行風花誤入長春鵲弄新晴更須攜被畱僧榻待聽摧簷瀉竹聲

永興寺

在城南近大江岸宋刺史王禹偁有記今廢

南塔寺

在安國寺前道光二十八年闔郡官紳士商因修塔餘資拓基添建廟宇牆垣今廢

天王寺

在廂坊鄉長樂堤奉銅佛二十餘尊明萬曆時提舉方一盛建今廢

板塔寺

在城內今廢

太平寺

在梅家湖章家涼亭東北有木佛遡流至楓香渡土人迎祀之

定香寺

在東絃鄉距縣三十里古刹僧性天重建門臨湖水內有蓮池宋碑尙存佛像亦宋時塑

雨山寺

在東絃鄉唐武德九年建

孟鉢寺

在東絃鄉明萬曆時建廟側有何白雲憩樹詳古蹟

覺皇寺

一名朝陽寺在東絃鄉明萬曆時重修

延齡寺

在東絃鄉道在湖北岸

黃岡縣志

卷之三十四

寺觀

望

淨慧寺

在東絃鄉孫家嘴

朝天寺

在東絃鄉明永樂間鄭秀蘭建

竹陂寺

在東絃鄉舊志咸豐九年李勇毅公駐軍上巴河憩寺月餘題有堂額楹聯同治三年官文恭過寺捐金重塑神像詳載寺碑明官撫辰過竹陂寺詩不問當年寺稱名示阿誰行人盡去得得路何之佛古泥團動光畱電影遲沙彌錯相識笑下幾堦堦

法王寺

在東絃鄉上巴河唐武德二年僧直際建乾隆三十年僧慈航募眾重修

白洋寺

在東絃鄉白洋山今廢

白虎寺

在東絃鄉白虎山梁時勅建本名興善寺明成化時僧懷遠自性先後重修康熙時知縣鍾葦易名百福寺道光七年募眾修葺

慈恩寺

在東絃鄉明司李樊維師捨宅建

梵泉寺

在東絃鄉樂養山今廢

橫溪寺

在東絃鄉和鄉

蓬萊寺 一在還和鄉一在陽邏 明鄧楚望過陽邏蓬萊寺江
眺詩雁聲嘹唳度江洲僧舍蕭然歎滯雷苦思吟邊飛
落葉悲風起處見行舟愁心忽悟空王法久客真
慚故國秋為問奔濤何日返欲將心事語東流

三閭寺 在還和鄉馬家潭明
洪武時馬興隆建

御風寺 在永甯鄉元至順間建徐壽輝嘗
欲段之感鳴鴉數萬環翔而止

悟空寺 在永甯鄉京省
通衢宜輒萃止

漆園寺 在永甯鄉林家山西相傳明嘉靖時建佛殿斲山園漆
樹為梁寺遂以漆梁名後更為漆園峯巒迴複松竹蒼
翠頗具清幽之致

安甯寺 在永甯鄉簸箕巖孤峯峻絕
下臨深壑有石箕棋盤在焉

經緯寺 俱在永甯鄉
寶華寺 甯鄉

萬壽寺 在永甯鄉五雲山相傳梁僧寶誌入定之所塔碑
猶存明成化時僧可信重建康熙初僧淑明重修

能仁寺 在大崎山唐密雲禪師修行之所明成化七年僧常惠
住持道光二十六年知縣俞昌烈禱雨有驗重加修葺

東山寺 在大崎山南明成化
七年僧修信重修

黃岡縣志

卷之二

寺觀

四

禪寂寺 一名善濟寺在團風鎮明洪武九
年僧崇慶建天順間僧福亮重修

圓通寺 一在團風鎮郭家灣古刹明洪武六年僧淨倉重建一
在陶山鋪南古刹元僧懋意重修載王志明初林遠為
僧彥碧捐有巨鐘響以時應

獅峯山寺 在伍重鄉古刹明成
化六年僧國秀重建

五雲山寺 在伍重鄉距
縣九十里

紫霞寺 在道觀河北
唐時古刹

戒圓寺 在上伍重鄉新集街
北舊志誤作解元寺

得雲寺 舊名無盡燈寺在舊街
之東詳見古蹟大雅冲

竹筒古寺 在上伍重鄉汪家集下半里許魏姓建二重汪姓建
一重又汪姓與曾姓共建一重又眾姓共建一重

慶福寺 在下伍重鄉舊街中為東嶽廟左文昌宮右關帝
廟其餘凡數十楹頗極壯麗咸豐三年燬於兵光緒六
年里人募貲重修

永虹寺 在伍重鄉

騰雲寺 在伍重鄉舊街東北咸豐時燬

勝龍寺 在伍重鄉地極幽邃

清風寺 清涼寺 俱在伍重鄉

風火寺 在伍重鄉勢雄秀廟亦壯闊

華嚴寺 唐時古蹟在永甯鄉小崎山內明進士靖科元置崇禎九年居山避寇著有靈鵲記置香火田二石二斗五升

龍潭寺 在伍重鄉高聳四望可數十里柱名靖小崎乾隆間科元曾孫舉人克紀修葺同治初兵燬八年舉人玉津修造橫屋光緒七年庠生紹甲啟後等重修

文岐寺 在伍重鄉黃林墅西

新興寺 在伍重鄉謝家涼亭原名古靈刹係謝姓香火廟側有文昌閣亦謝姓廟道光元年公建

上方廣寺 在金鋪山北明初建寺踞大山上前有石如口俗呼獅子口內滴泉雖大旱不竭

下方廣寺 在金鋪山東明嘉靖二十九年建前後二塔又有呂仙祠呂仙洞洞乃後人掘地得之不知始於何時深五尺闊四尺其門如寶明王一翥望下方廣寺詩並記乙亥秋自白田至麻城獅子林弔死心禪師墓同其法孫長樂

黃岡縣志 卷之三十四 寺觀

返過此寺攜師遺笈在焉越一年武昌署中與仲霖談及此數日後野行望此寺有奇精舍藏山隰中途遇法孫甯知兵火逼不遺婦兒存魂夢求空像丹青到墓門人間酬酢盡鐘磬代師言綠字迎仙籥黃金結寶纓當年獅子坐曾湧

化樂寺 在舊州城古剎袁福徵有記

靜安寺 在舊州城古剎袁福徵有記

吉祥寺 在廂坊鄉凌家灣舊名吉陽寺一在庶安鄉安仁村里人蔡中和及僧常昱建咸豐三年粵逆燬其半同治六年張姓合族補修

演教寺 一名文布寺在庶安鄉柳子港河西岸明景泰間僧大休結庵於此成化七年僧文布重建前有舉水清冽異常寺內有牡丹一本相傳為東坡手植今尚存左為新輝書院道光二十一年建祀文昌神邑士胡廷瑞捐建客堂為祭祀齋宿之所黃陂御

西峯寺 在庶安鄉明

覺林寺 在庶安鄉安仁村古剎明

在庶安鄉安仁村古剎明

在庶安鄉安仁村古剎明

在庶安鄉安仁村古剎明

在庶安鄉安仁村古剎明

在庶安鄉安仁村古剎明

在庶安鄉安仁村古剎明

在庶安鄉安仁村古剎明

寶禪寺

在庶安鄉僧元俊重修寺側梵王宮僧應蓮建

準提寺

在庶安鄉武時建

興隆寺

在河南坂左

勝蓬寺

在庶安鄉明時建

如意寺

在庶安鄉童家嘴東岸古刹

寶蓋寺

一在樟松湖北岸大林山明正統十二年僧智定建嘉靖間重修有陳周林三姓方丈前有樓樓上舊為陳雨

山太史藏經閣樓下向係社倉中殿三重康熙二十年陳姓重修嘉慶二十三年陳姓住持僧自修募貲改建同治十三年合區捐貲重修一

在上永鄉把守嶺

彌陀寺

在陽邏鎮蓬萊山即蓬萊寺明景泰五年僧祖直重修成化二十二年泰和劉文輝捐修大雄殿

鐵爐寺

在中和鄉畢家鋪東五里明初建邑人程汝遷常讀書其中程號木庵有學行土人即以其號名寺曰木庵道

光緒十一年大水淹圯光緒六年鄭程二姓重修

雙林寺

在中和鄉感化村古刹明正統元年僧直廣重建

黃岡縣志

卷之三十四

寺觀

吳

香山寺

在中和鄉亭子塘僧鏡智建

湖山寺

在中和鄉

鎮龍寺

在中和鄉賽雨山乾隆二十二年韓姓建修

古東華寺

在中和鄉即楊裴廟宋時建明萬曆時重修

古觀音寺

詳後鐵樹觀

淨麓寺

在楊邏西北黃土坡

保隄寺

在中和鄉王家集

白雲寺

在中和鄉孫鑽埠

青蓮寺

一在陽邏鎮即明戶部郎中江沛然所建法華庵舊地康熙二十年改建咸豐年燬於賊光緒七年眾募重建

一在納頭寺下首乾隆五十二年山主羅名昭捐蕭家園舒家墩水田四担零二升以作佛祖香燈及修補廟宇之費

院基寺

在中和鄉明萬曆時建

隆興寺

在中和鄉西馮渠

二聖寺 在雙柳鋪唐貞觀時建

恆河寺 在龍口下

龍川寺 在汪家鋪上

天池寺 古刹也在上永鄉盧林二姓建道光間州同林之棠倡募重修

龍窩寺 在上永鄉方陳二姓建

黃龍寺 在上永鄉滕姓建成豐二年眾姓募貲重修

湧蓮寺 在永凝鄉小崎山上係古刹

祈祥寺 在永凝鄉小崎山南

向溪寺 在永凝鄉小崎山南

廣蔭寺 在永凝鄉小崎山下同治間王姓倡建

玉成寺 古刹也在永凝鄉西神極靈應

接龍寺 在蘆洲灣

黃岡縣志 卷之三十四 寺觀

復興寺 在得勝洲

永安寺 距縣治一百二十里在庶安鄉相傳寺前有八景一安暮濤六蓮塘夜月七隄橋漁笛八村宛酒帘

普度寺 在東絃鄉戚家嶺同治八年邑紳王作霖同眾姓新建基係候選分縣王鈞捐

竹溪寺 在韓家新集東二里許周榮甫後裔修

金山寺 在中和鄉陶金山南

錦屏寺 在錦屏山下

眺雲寺 通政使韋成賢讀書處咸豐時兵燬同治四年住持僧童生曾廷輝建文昌殿於寺左

永濟寺 原在易家河街東南明末燬於兵康熙十五年寺僧永醵金移建

東禪寺 古刹也距縣治四十里光緒三年募貲重建

於街西

募貲重建乾隆五十一年火焚殆盡道光五年街民

募貲重建

赤脚寺 在上淋頭 馭寺前石 上有仙人足跡 因名

院基寺 在張集區北流河處 旁有文昌閣 邑紳張合泰募資 修建

永隄寺 在孔埠區白洋湖隄側 順治十五年 眾姓捐香火田一石一斗六升 道光二十九年 隄決寺亦圯 三十年從九

桂鵬 施開謨 徐炳光 萬祥瑞 等倡首 修隄 仍建寺於隄側

先覺寺 俗名余家寺 在王家區 元隱士余德山 老而無子 因易居室為寺 其後僧席 其業富甲一鄉 邑庠生捐田為長

燈計 道光以後 佛產蕩盡 今住持僧洪開私置 良田二石 餘以作永遠香火

老君廟 在城內 咸豐九年 縣銀工捐資 重建

馬王廟 一在協鎮 署前一 在城南 東嶽廟 左俱被兵燬 未建

南嶽廟 在漢川門內 高阜上 今廢

張桓侯廟 在青雲路街 報恩寺右 道光戊申 知縣俞昌烈 建後燬於兵燹 舊基今修 入新軍儲倉 廟移建 白衣庵後

痘神廟 在韓宋二公祠後 詳祠祀志 同治元年 二甲士民捐資 重建

將軍廟 在清淮門內 祀明諸生 鄧雲程 同治五年 三甲士民 重建

黃岡縣志

卷之三十四

寺觀

吳

藥王廟 在今縣署後 同治二年 三甲士民募資 重建 華景洙 捐地以作佛產

東嶽廟 在城南 二里許 同治二年 眾姓重建 九鄉所在 皆有不備載

五顯廟 在城南 今廢

南堂廟 今廢 華光廟 俱在團風鎮 後街 明洪武十八年 居民祝茂 先建

忠義廟 在東絃鄉 許子口

馬曹廟 仙姑廟 俱在還和鄉

大王廟 在上伍重鄉 土名蜂城 元末陳友諒之亂 賊兵過此 有仙人撒土成蜂 以禦賊 賊退 土人立廟祀之 呼為大王

一在赤壁 下即江神廟 詳見祠祀志 今廢

晏公廟 在阮家涼亭 上里人王廣文等募建 一甲士民 重建 餘詳祠祀志

張公橋廟 在庶安鄉 廟後石橋 昔為張公所建 故立廟祀之

塞口廟 舊名大覺寺 在倉埠街 北康熙時 知縣鍾葦 改建街南 以塞水口 故名 左有文昌宮 萬年茂侍御 有引李鈞簡

侍郎有記 俞志載 陽邏誤

賈家廟 在上永凝鄉明嘉靖間建寺產詳載寺碑

水府廟 在樊口下街兵燹後里人重建

經堂古廟 在上庶安鄉葉家店黃六官南里許乾隆五十年建同治三年燬於賊光緒四年黃姓重建

顯靈廟 在上伍鄉熊家店南元泰定四年建廟角有風鈴又名為響鈴廟去廟四五里有雨壇岡歲旱紳耆共迎廟神

於岡上設壇禱雨靈驗不爽香火最盛

蔡家廟 在王集區隄窩坂九姓居民奉為社主

楊家廟 在王集區

財神廟 在新集區陶宜集捐修同治三年被賊燬眾姓募貲重建

楊陂廟 卽東華寺相傳創自宋明隆慶二年鐘尙存鐘係道光間拙地所得所鑄寺名楊陂俗訛稱楊裴羊皮均無據

同治四年燬於兵住持僧會司海濤募貲重建

水浮廟 在鄆家湖中雷姓祠下灣前右首明庠生雷孔和建修後被水圯基址尙存

蓮花庵 一在城外陶家巷舊在真武觀後乾隆中蘄州管姓改建今處道光丁未重建後燬於兵同治中住持募建一

黃岡縣志

卷之二十四

寺觀

晃

在東絃鄉陽陰嶺明崇禎時建

百子庵 在府城隍廟後嘉慶時邑士游豐元重修今廢

白衣庵 在青雲街關帝廟後咸豐間二甲公建國朝葉封上客奔走非夙情栖隣喜梵釋寒溪春正殘風雨夜殊劇濛濛竹樹中飛泉赴危石枯坐闕長哦懷古空陳迹書堂邈千秋寸陰嗟不惜凌晨渡江皋躑躅更塵役拜揖苦淡旬僧齋始清夕俄然風雨生其勢如疇昔雖微邱壑奇颯沓成幽僻是時羈旅心乃覺境曠適所念柴桑居松菊煙仍碧曩夜嘗相思問予新句獲挑燈茲何為耽佳固性癖妙理發高吟寡

儔迴風格用媿忘年交論詩希莫逆

百福庵 在城濠光緒時住持僧募貲重建

太平庵 在河東書院後今廢

半偈庵 在長蘄塲俱在長蘄塲土人重建

雨華庵 在淋山河僧懷水建後燬於賊僧覺松捐貲重建

翔雲庵 在淋頭販

眠雲庵 在龍岡山中天晴霽時
山光連雲五色映帶

觀音庵 在團風鎮史壩橋明宏治
間邑人孫子華建今廢

廣福庵 明洪武時范勝三建東有蓮花
池西有亭為行人憩息之所

般若庵 在東絃鄉
黃土嘴

惠香庵 在東絃鄉
牛馬岡

天乙庵 在東
絃鄉

翼明庵 在還和鄉烽火山
明天啟二年建

廣嗣庵 在還和鄉
汪伯麟建

朝陽庵 一在永寧鄉戚住山
時王之朝建一在東絃鄉戚家嶺

甘露庵 在城東五里墩康熙時方
捐贊重建庵右觀音殿光緒二年邑人華棟棠建

萬緣庵 在蘆
洲灣

普渡庵 在得
勝洲

黃岡縣志 卷之二十四 寺觀

修靜庵 在金鋪山東北上
下兩方廣寺之間

極樂庵 在庶安鄉係
前明郭姓建

大悲庵 一名總持庵在庶
安鄉前明余姓建

陶家河白衣庵 在汪集區明贈少師禮部尚書陶晷捐建并捐
田地六斗九升陶以富捐田二斗五升為香火

費道光二十九年大水廟
冲塌同治二年眾姓重建

吉雲庵 在下伍鄉井邊寨明洪武初建光
緒六年里人王景齡同眾募建

廣興庵 明永樂時建同
治六年重修

邱家庵 在東絃鄉戚家嶺咸豐
五年被賊拆毀今眾建

慈義庵 在城東三十
里南湖區

顯通庵 在王集區隄畔元時居民甘隆捐建同治八年大水隄
决庵亦冲圯十一年陶馥倡修圍隄程仁杰程春發等

約眾釀金仍於隄畔
建廟今名李家廟

斑竹庵 在永甯鄉邑庠生何士楨優貢生王道明舉人楊瑞杞
等會課文藝後邑庠生熊光裕何調一等捐置任家堰

田課三十八石五斗每歲二月初三日恭祝文昌壽誕初四日課藝其中

景聖堂 在陶家巷口

觀音堂 在街埠市舊志即古興化寺明洪武十八年里民張玉田募修

維摩堂 在還和鄉城山下官撫辰隱居處明官撫辰維摩堂過孝宣寺蘄水劉中尊雲麓聞信即至詩文公軍旅日

勤禮大顛師君今政事暇清晝只歌詩詩中有禪意情境任參差以茲親我理驀爾過招提佛法無多子名聞未有私見

君細祖武動我舊時思今古同旦暮道岸無傍歧相彼滄流水棠陰無倦時又維摩堂外十景詩火宅藏華種海心湧

石蓮黑風雖鼓浪不打石蓮船 蓮夜半雞爭曉因風越天表逆勢截橫流平蕪青不了 嶮雞萬樹江聲起千山松影移

碧空浮野水終古接盲龜 潮見說龍無耳誰知鼻準空雖無顧江天外誰來密爾尋 嶮見說龍無耳誰知鼻準空雖無

雁蕩水時有漢王風 嶮見說龍無耳誰知鼻準空雖無洞下高枕悟無生 嶮見說龍無耳誰知鼻準空雖無

人裁雲時立量 嶮見說龍無耳誰知鼻準空雖無游人每見猜 嶮見說龍無耳誰知鼻準空雖無

垂陰游子不能到幽人彈素琴 嶮見說龍無耳誰知鼻準空雖無

鐵觀音堂 在伍重鄉舊街河上乾隆初河中浮出鐵觀音一座高丈餘居人於岸側結庵祀之

黃岡縣志

卷之三十四

寺觀

三

普安堂 王志在團風鎮巡檢司前古利明洪武十五年居民魏中和重修俞志在伍重鄉餘詳古蹟

菩薩堂 在上永鄉馬鞍山下光緒二年鄉民邵正宗同眾姓募資倡建

大士閣 一在城北覽勝亭下邑紳杜應芳建康熙時守備梁家植重新同治三年一甲士民重建一在龍蟠磯上詳見

古蹟一在陽邏閣下有磯甚險知縣鍾葦捐銀三百鑿石開徑行旅便之 國朝萬禮祖大士閣修路記去陽邏之東南

三里而近有磯突出江岸懸崖峭壁亂石叢生進舟者固苦率挽徒步者亦惴惴失足恐也于清端公守黃時加意修治

茲土念切民瘼均丁賦建義學開河渠移糧倉修城垣嘉猷

惠政不可枚舉壬寅春以公事道經於此停車周覽慨然嘆

日眼前皆赤子視其陷溺而不以安遺之無為貴宰也歸與

邑士大夫謀得老成練達者數人授以方畧捐俸募工起春

初迄夏首狹者開之險者平之而石之鯨蛟龜伏於水中者

推之鑿之轉徙於傾圮崩裂之處而填補之無復昔時魚腹

為坦道旋渦變作安瀾帆檣上下擔負往來無復昔時魚腹

歸元武公之力也又以邏鎮之功德豈淺鮮哉遠近之人爭欲表

彰揚厲勒諸貞珉與于清端並傳不朽此甚盛事也是為記

顧景星大士閣置酒遠眺還飲寶臣齋看月詩年少喜邊

城愁心天上橫今朝對荒嶺一片暮雲平復何長江空逝波

新無數翻疑城外山近是城內路城外復如何長江空逝波

風流赤壁盡秋壘白楊多徘徊不能住言向招提去半壑起
松風發陽在高樹憑高矚眾峯顧盼為誰雄手揮三雅杯目
送雙飛鴻可憐秋夜清三五月華明王生知我意對月洗金
觥彭士商冬晴野眺憩城北大士閣詩夜聽鐘聲乾晨興
發幽思同遊約不渝健步鄙車騎迤邐城北隅崇岡邈然至
山石若樗蒲山靈信多智聞昔東坡翁怪石尤標致質自僮
暨手所費但餅餌我圖獵取之不得其一二茲念亦齟齬何
況名與利下山憩僧寮酒榭詢童穉樹酌不辭頻敲推良已
醉霜葉留餘青醅顏染其翠亭午風更和疑是春光麗石隱
與吏隱地殊心豈異緬昔供石人胸臆無沾滯顧景星陽
遷大士閣詩香磴倚巖阿雲根臥薜蘿長江迴地軸高閣入
天河繫纜驚湍少扁舟乘興過聽鐘夜方半何處起漁歌
宋犖陽邏大士閣詩陽邏江邊赤石磯崢嶸高閣帶斜暉干
帆風雨當窗過萬頃煙波傍檻圍白鳥銜魚樓佛座紅桃映
水出禪扉宋元戰伐傳
來久弔古悲歌幾振衣

準提閣

即東樓閣在一字門外康熙時郡守于清端建並撥濠
田收租以奉香火其東為智林村門首有字藏為莢化
字紙之處道光二十七年廩生許汝梅弟兄叔
姪公捐長蘄瘞地一段付廟祝收租以資經費

觀音閣

在城西正統六年通判黃容修今廢
圓建正統六年通判黃容修今廢

玉皇閣

在元妙觀後明邑紳甄
叔王同軌重建今廢

梓潼閣

在漢川門外即橫
江館今廢為民居

文昌閣

在縣治西北四十里雅淡洲修撰劉子壯讀書處咸豐
四年粵匪焚燬七年里人募貲重建邑人陳莊捐置中
順嶺地三畝六升六合六勺陳朝榮捐置中順嶺地三畝五
升三合六勺國朝劉子壯文昌閣死難序戊子秋朔劉子
避山寇再至文昌閣登樓而望其東蒼然蓬蔚隱處南
者垣址窪者隘血吾先子之廬而宗黨婚比之聚而處也南
而左疎樹杖椽遊之所至也其前疏圃居江茆蒼錯時中為
良友藏修交遊之所至也其前疏圃居江茆蒼錯時中為
小祠僧種而擘吾家所祀之洞庭神也閣之上諸君子以時
射藝暇則飲酒而歌且樂焉此其地絕人區靜接有時當風
晨煙夕霽曉月秋疎雨在林懸雪炤池近者眺遠者來處流
瑣之時賴天子麻豈可謂不得其止者乎未幾年而賊繼以
兵向之所偃處嘯咏者露蕪游羽從而有之矣方癸未之初
予先去適京師社中推先叔父為長其次為約約有副非名
德亦以隆士大夫之勢也當是時賊已潰淪川襲郡城揚旌
圍岸日遣謀為招自守令奔避洲者咸遯而諸君子益堅無
敢離越有與賊聞者輒磔之至四月廿八日賊舟分向礮石
遙渡眾稍引去而吾弟獨踞石治守其賊自洲首射數人入
更出吾家之臂先叔父殞於水家之亡者十七友鄰之亡者
十五僕妾以百數而洲中不可算計者矣是非有土城之責
其殉而之死未盡合於義而朝廷之所不得聞而卹也然或

黃岡縣志

卷之二十四

寺觀

者猶將笑而訾之其後大兵復省以從賊誅繫者所在蔓引而洲之人免焉猶得以殺傷之慘蒙上憐惻豈非諸君子之有造於斯洲乎寇亂以來自河渡嶺越境迎降而亡其地死其官者復幾人使諸君子當其任雖未必輸尺土亦豈肯陳香炬奉壺箒匍伏而丐活耶故夫諸君子誠以文弱之姿蛇豕之眾進無益於國退不能保其身此誠甚過而至於以死自守義不招安洲之人得免亂賊之目又足以魏世之食祿寡恥者其道亦豈得而沒乎彼笑而訾者徒幸免耳非能有智以自全者也當賊之來獻牛酒者若而寡若而人若不當一言以責之而顧不恕於諸君子亦獨何與余悲而此不當一其本末紀其姓氏庶有知者得採焉其以水殉者明之次劉文敬諱紹熙也其懼見擒於賊而率家投江者杜亮公余叔父元則子儼也其懼見擒於賊而率家投江者杜亮公宣子儼也其宗覆絕者陳儀吉鴻帥遜夫有功鄭醒衷仕俊鄭紀也其以宗覆絕者陳儀吉鴻帥遜夫有功鄭醒衷仕俊鄭也其脫而卒不免者魏男英應羅張爾為鴻儒張爾任鴻明君也其悲傷而終者叔父君敬諱紹熙也其懼見擒於賊而率家投江者杜亮公而向之所謂偃處嘯咏者已盡無有豈不慟哉此皆左右斯閣余復踐茲洲之市塵再茂而此土就湮風雨之夜霜星之下宥然若形叻然若響其魄氣猶未忘於此乎時乃秋初屬有

黃岡縣志

卷之二十四

寺觀

嗟我君子為誰而死賊投閒言毋敢近耳義不繫國名不贖身益之則家猶或晒噴勿悔失策勿嘆失家視我天子不有京華嘯哲則苑疇昧則落生死偶然求心不怍相彼苟生其骸僅存安能荷媿乞免彼冥遺利在里人莫知恤隱忠在王史復從何往庶無怨怒息情潛壤此厄酒且暮百年生從何來沒從何往庶無怨怒息情潛壤此厄酒且暮百年生從何春宜晏起酣情享昏夢初日喚我窗破懶纔一動人事豈能厭遲之庶有中神足自多爽天閑志亦洞纔又偶題文昌閣詩常聞真似旅為累祇因官才盡方知拙貧長漸得安門深巢鳥徧庭靜落花寬良友能頻過相忘不着冠元妙觀在清源門外唐貞觀即東坡作易傳與論語處明置道紀司於內邑人王同觀修葺勅賜今名邑紳洪周祿書額順治年間郡丞白秉貞重修邑紳孫錫蕃有記今廢明王廷陳過元妙觀有贈詩神君樓閣枕江濱鐘磬時時霄漢聞仙至忽逢青鳥使賓來頻舉白鷺羣當筵揮灑皆成雨煮鼎飛煙盡化雲雙鬢向衰渾欲盡洞天石髓若為分

真武觀

一在城南隅舊為岳忠武廟後改今名同治五年遠安

清水觀

即古東華觀唐貞觀

鐵樹觀

在辛家衝古利明宏治

凌虛觀

在三臺河明嘉靖時勅建後兵燬光緒時丁長春捐貲重建

呂仙洞

在還和鄉火柴港祠前有古柳係數百年物

仙人洞

在上永鄉馬鞍山側咸豐十一年僧能禪募建

四官殿

一在城東三十五里南湖區古刹也乾隆時水圯嘉慶二年貢生喻和晉募修有碑一在城外會同巷光緒時

住持募建

文昌殿

在城東三十里陶店光緒五年宋姓重建

華光古刹

在庶安鄉安仁湖西岸

朝陽古刹

在易家坂明庠生袁竹岐袁西岐捐基地一所并捐香火田兩石一斗七升後被水淹頽道光二十九年

易袁二姓重修

協毓宮

在庶安鄉石屋山頂宮後有仙人洞並有石牛古蹟

寶林宮

在庶安鄉柳子港下街徐姓建造邑士徐繼錚徐貢朝徐士純共捐香火田一石六斗一升貢生徐兆鯉捐田

八斗五升

黃岡縣志

卷之三十四

寺觀

五十四

夫子庄

在王三巷今廢

雷鼓墩

在庶安鄉明時周姓建

雨華林

在青雲塔南邑紳楊允楨嘗讀書於此其題額猶存同治六年眾姓重建

南山古刹

在陽邏下三里刹基係處士雷聲先捐出

朝陽寺

在還和鄉光緒三年里人募貲同建

華嚴寺

在伍重鄉背水面山頗擅形勝

撫聞

上蔡云泰山不讓土壤河海不擇細流旨哉斯言卽志乘何獨不然邑之風土人物旣蒐輯靡遺矣而名賢瑣事委巷奇聞塗附則義有未安棄置則典將就逸零繪斷錦不收拾之可惜也爰仿定保撫言之例鱗次成篇綴於末簡所謂鶴脰雖長不可截也

郭郡守鳳儀邀唐比部樞遊赤壁郭問天下兩府峙立武昌漢陽一府一縣峙立黃州武昌何謂唐云天下守法有據依據無據依援按晉陶侃在武昌不肯分兵北岸鎮邾城語詳兵事蓋邾城東晉時密爾羣蠻所以不可置戍與今不同宋李宗勉建言荆襄殘破淮西正當南北之交齊安與武昌對欲保江南先守江北正謂聲勢可應援耳

黃岡縣志

卷之三十四

撫聞

七

天聖中韓魏公居所生憂從其兄瑊守齊安卽安國寺西廡爲書堂以居恆有二女子夜至衣冠高古容裝麗甚公恬不以爲怪及去二女告曰妾非人也亦非仙人鬼魅遊處再歲而言不及亂公德士也卽推此澤天下讀齊安記屈原之死二女孝慈亦於此投江故武昌郡以五月五日競渡投角黍迎神舟上二女非仙人鬼魅豈靈均二子之靈爽耶

浪語集

東坡遊赤壁者三今人知其二者由其有二賦也余嘗讀其跋龍井題名記云予謫黃州參寥使人示以題名時去中秋十日秋濤方漲水面千里月出房心間風露浩然所居去江無十步獨與兒子邁掉小舟至赤壁望武昌山谷喬木蒼然雲濤際天因錄以寄元豐三年八月記今古文赤壁賦注謂詣赤壁者三非此之謂乎據二賦在六年此則第一遊也

七修類稿

元豐七年二月一日東坡居士與徐得之參寥子步自雪堂并柯池入乾明寺觀竹林謁乳母任氏墳鋤治茶圃遂造趙氏園探梅堂至尙氏第觀老枳偃蹇如龍蛇形憩定惠僧舍飲茶任公亭師中庵乃歸且約後日攜酒尋春於此

東坡志林

東坡嘗記黃鄂之風云近聞黃州小民貧者生子多不舉江南尤甚聞之不忍黃之士古耕道雖椎魯無他長然頗誠實喜爲善乃使率黃人之富者歲出十金如願過此者亦聽使耕道掌之多買米布絹絮使安國寺僧繼連書其出入訪問里田野有貧甚不舉子者輒少遺之若活得百箇小兒亦閑居一樂事也吾雖貧亦當出十千

志林載東坡曰余來黃州聞黃人二三月皆羣聚謳歌其詞固不可解而其音亦不中律呂但宛轉其聲往返高下如雞唱

黃岡縣志

卷之二十四

撫聞

五

爾與廟堂中所聞雞人傳漏微似土人謂之山歌云又曰舊傳陽關三疊今歌者每句再疊而已通一首言之又是四疊或每語三唱以應三疊之說則叢然無復節奏余在密州有文勛長官自云得古本陽關其聲宛轉淒斷每句皆再唱而第一不疊乃唐本三疊蓋如此及在黃州偶讀樂天對酒詩云相逢且莫推辭醉新唱陽關第四聲注第四聲勸君更進一杯酒以此驗之則第一句不疊審矣

唐房千里竹室記稱環堵所棲率用竹以結其四角植者爲柱楣撐者爲椳榻王元之竹樓記蓋其餘意秦人亦有板屋詩各從其俗也今江上多以竹代瓦每苦延燒云

今黃州無竹屋

東坡與李通叔詩蒙寄示雪堂篆字筆勢茂美足爲郊藪之光則雪堂扁當屬通叔筆今做印章成字實出前守上海潘公

伯明妮古錄載其事稍異

夏文莊竦謫守黃州時龐穎公籍爲掾嘗疾屬文莊後事文莊親臨之曰異日管爲貧宰相亦有年壽疾非所憂龐語已爲宰相豈得貧耶文莊曰但於一等人中爲貧耳故龐晚年退老詩述其事曰田園貧宰相圖史富書生石林燕語載龐嘗在告數日忽吏報死矣文莊大駭曰此當爲宰相安得便死吏言其家已發哀文莊卽自往取燭視面語醫曰此陽證傷寒汝等治誤爾亟取承氣湯灌之有頃蘇

王禹偁嘗作三黜賦見志後知制誥忤時相出知黃州蘇易簡知貢舉適榜下放孫何等三百餘人奏禹偁禁林宿儒欲將全榜諸生送於郊上可之禹偁作詩曰綴行相送我何榮老鶴乘軒愧谷鷲三人承明不知舉看人門下放諸生至郡未

黃岡縣志

卷之二十四

撫聞

七

幾二虎鬪於境一死羣雞夜鳴冬雷而雹司天奏守土者當其咎卽命徙蘄州謝表云宜室鬼神之間不望生還茂陵封禪之文止期身後帝深詫異促召還臺未行竟卒

子瞻遷黃岡時曾子固居憂臨川死焉京師盛傳子瞻同日僊去如李長吉故事神廟以問左丞蒲宗孟嘆息久之故後量移汝州謝表有云疾病連年人皆相傳爲己死饑寒併日臣亦自厭其餘生避暑錄云子瞻在黃病赤眼踰月不出過客遂傳以爲死矣有語范景仁於許昌者景仁絕不寘疑卽舉袂大慟遣人調其家子弟徐言此傳聞未審當先書問安否得實恤之未晚乃走僕以往子瞻發書大笑柬答云平生所得毀譽殆皆此類也

子瞻謫黃布衣芒屨出入阡陌多挾彈擊江水每旦起不招客

語必出訪客所與遊亦不盡擇各隨其人高下談諧放蕩不復爲畛域有不能者強之說鬼曰姑妄言之數日必一汎舟江上乘興或入旁郡界嘗與客飲夜歸江面際天風露浩然乃作辭所謂夜闌風靜縠紋平小舟從此逝江海寄餘生者大歌數過而散翌日喧傳子瞻掛冠江邊拏舟長嘯去矣郡守徐君猷聞之愚州失罪人急命駕往則子瞻鼻鼾如雷

東坡至黃州邀一隱士相見但視傳舍不言而去東坡曰豈非以身世爲傳舍相戒乎贈以詩末云士廉豈識桃椎妙妄意稱量未必然此蓋用朱桃椎故事高士廉備禮請見與之語不答瞪目而去士廉再拜曰祭酒其使我以無事治蜀耶乃

簡條目州遂大治東坡集有張先生詩序云先生不知其名黃州故縣人本姓盧爲張氏所養伴狂垢汗往來者欲見之多不能致余試使人召之欣然而來既至立而不言不應使之坐不可但俯仰熟視傳舍久之而去疑

黃岡縣志

卷之二十四

撫聞

五

卽張愍子

蘇公謫黃始稱東坡居士蓋亦慕白樂天而然白刺忠州有東坡種花諸詩蘇在黃與白忠州相似嘗有詩云出處依稀似樂天敢將衰朽較前賢則東坡名非偶因地稱也蘇又嘗柬王定國云近於左側荒地數十畝買牛一具躬耕其中欲自號麀糟陂裏陶靖節外紀東坡一牛病呼醫療之不識證王夫人曰此牛發豆班療法當以青蒿粥啖之而效後舉似章子厚云自謫居後便作老農豈知老妻猶能接墨牡丹也

東坡和王鞏詩我來黃岡下欹枕江流碧江南武昌山向我如咫尺春蔬黃土軟凍筍蒼崖折此行我累君乃反得安宅他日與趙晦之云謫居既久安土忘懷一如本是黃州人元不出仕而已

又與王定國云在彭城作黃樓今得黃州欲換武遂作團練皆先識

子瞻在黃州嘗書云東坡居士自今已往早晚不過一爵一肉

有尊客盛饌則三之可損不可增有召我者預以此告之自言有三養曰安分以養福寬胃以養氣省費以養財與李公擇書云口腹之慾無窮每加節約亦惜福延壽之道乃日用錢不過百五十每月朔取錢四千五百斷爲三十塊掛梁上每日用盡又挑取一塊以竹筒貯用不盡者以待賓客云此賈耘老法也

東坡在黃州嘗以蜜爲釀作蜜酒歌珍珠爲漿玉爲醴六月田夫汗流泚不知春甕自生香蜂爲耕耘花作米一日小沸魚吐沫二日眩轉清光活三日開甕香滿城快瀉銀餅不須撥百錢一斗濃無聲甘露微濁醞醱清君不見南園採花蜂似雨天教釀酒醉先生先生年來窮到骨問人乞米何曾得世間萬事真悠悠蜜蜂大勝監河侯序云西蜀道士楊世昌善

黃岡縣志

卷之二十四

雜聞

五

作蜜酒絕醕醖余旣得其方作此歌遺之戲與吳君采云近日黃州捕私酒甚急犯者門戶立木以表之臨臯之東有犯者獨不立木怪之以問酒友曰爲賢者諱吾何嘗爲此但作蜜酒爾

蘇長公在黃州鄰近四五郡皆送酒長公合置一器名曰雪堂義罇後試墨三十六九掄十餘品佳者擣合一品亦名曰雪堂義墨

黃州人造私酒俗謂之壓茅柴坡詩三年黃州城飲酒但飲溼我如更揀擇一醉豈易得幾思壓茅柴禁網日夜急韓子蒼茅柴酒詩三年逐客卧江皋自與田工釀小糟飲慣茅柴諸苦硬不知如蜜有香醪蓋亦謂差勝他酒爾張耒雜志直稱黃州酒可亞瓊液

陳州酒名

而差薄爲謫官中一幸豈陸待制所

云適有佳匠也

黃州東南三十里爲沙湖亦曰螺師店東坡將買田其間因往相田得疾聞麻橋人龐安時善醫遂往求療安時聾而穎悟絕人以指畫字輒了人深意坡戲云予以手爲口君以眼爲耳

東坡序聖散子方云得之於眉山人巢君轍謫居黃州比年時疫合此藥散之所活不可勝數巢初約不傳人指水爲盟余竊隘之乃以傳蘄水龐君安時避暑錄云聖散子方初不見於世凡傷寒不問證候一以是治無不愈子瞻奇之爲作序比之孫思邈三建散雖安常不敢非也乃附所著傷寒論中天下信以爲然疾之毫釐不可差無甚於傷寒安有不問證候而可用者宣和後此藥盛行京師殺人無數巢轍本任俠

黃岡縣志

卷之二十四

撫聞

卒

好奇從韓存寶出入兵間不得志客黃州子瞻與之遊以轍奇俠而取其方天下以子瞻文章而信其言事本不相因而趨名又至於忘性命而試其藥人之惑蓋有至是也

東坡蒼水錄云

黃州山中蒼朮至多就野買一斤數錢耳此長生藥也人以爲易不復貴重至以熏蚊于此亦可爲太息

東坡在黃州而王文甫家東湖公每乘興必訪之一日逼歲除至其家見方治桃符公戲書一聯於其上云門大要容千騎入堂深不覺百男歡

墨莊漫錄

賀元嘗於黃州訪東坡談論娓娓自云生於石晉仕爲水部員外郎計年近二百歲東坡寄元詩云舊傳老父晉郎官已作飛騰變化看聞道東蒙有居處願供薪火看燒丹

東坡赤壁賦客有吹洞簫者不著姓字吳匏庵有詩云西飛一鶴去何祥有客吹簫楊世昌當日賦成誰與註數行石刻舊

曾藏據此則客乃楊世昌也按東坡次孔毅父韻不如西州
楊道士萬里隨身只兩膝又云楊生自言識音律洞簫入手
清且哀則世昌之善吹簫可知菀庵藏帖信不妄也按世昌

綿竹道士字子京見王註蘇詩

陔餘叢考

舒王在鍾山有客自黃州來公曰東坡近日有何妙語客曰東
坡宿於臨皋亭醉夢起作成都聖像藏記千餘言點定纔一
兩字有寫本畱舟中公遣人取至時月出東南林影在地公
展讀風簷喜見眉鬚日子瞻人中龍也然有一字未穩日勝
日貧不若曰日勝日負耳東坡聞之拊手大笑亦以公爲知
言

載府志

野客叢談載王荆公詩云西風昨夜入園林吹落黃花滿地金
蓋咏菊也而歐陽公譏之云秋花不比春花落爲語詩人仔

黃岡縣志

卷之二十四

撫聞

全

細吟荆公咏菊原非指目黃州譏出歐公眉山無與而元人
小說謂子瞻以菊花遭貶今黃州無落瓣之菊子瞻謫黃乃
舒亶李定等所爲時荆公已退居金陵不與朝政小說真蔓
蔓也

載府志

米元章自湖南從事過黃州初見子瞻酒酣貼觀音紙壁上起
作兩行枯樹怪石各一爲贈有高述潘岐能作坡書亂真山
谷云東坡書彭城以前猶可僞至黃州後製筆極有力可望
而知其真贗也

石林詩話云海棠詩爲東坡先生最得意之作嘗喜寫人間刻
石有五六本邑農人於古墓掘得其一爲鉏鑿所壞僅存百
字有先生自繪像巾篋拄杖正與詩意相發今石本存王同
軌家

妮古錄稱東坡海棠詩山谷書之倣長沙縱筆特爲奇逸可喜

東坡詩話曰吾有詩云日日出東門步尋東城游又云駕言寫我憂章子厚謂參寥曰前步而後駕何其上下紛紛也僕聞之曰吾以尻爲輪以神爲馬何曾上下乎參寥曰子瞻文過有理似孫子荆曰所以枕流欲洗其耳所以漱石欲礪其齒謝無逸溪堂集云亡友潘邠老有滿城風雨近重陽之句今去重陽四日而風雨大作遂用廣爲三絕其一滿城風雨近重陽無奈黃花惱意香雪浪翻天迷赤壁令人西望憶潘郎其二滿城風雨近重陽不見修文地下郎想得武昌門外柳垂垂老葉半青黃其三滿城風雨近重陽安得斯人共一觴欲問小馮今健否雪中孤雁不成行

載府志

黃庭堅有謝何十三送蟹絕句三首何十三名覬邑人又東坡亦有書贈何聖可曰歲云暮矣風雨淒然紙窗竹室燈火青熒輒於此間得少佳趣今分一半寄與黃岡何聖可若欲同享須擇佳客不審聖可又何人也

黃岡縣志

卷之二十四

雜聞

三

東坡在雪堂一日讀阿房宮賦且讀且嘆賞夜分不寐給事者二老兵皆陝人甚苦之一人曰知他有甚好處一人曰他有一兩句好其人大怒曰你理會得甚麼對曰我愛他道天下人不敢言而敢怒坡聞之笑曰不意斯人有此見識

東坡書夢祭句芒文云余在黃州夢黑肥吏以一幅紙請祭春牛文予笑而從之云三陽旣至庶草將興爰出土牛以戒農事衣被丹青之好本出泥塗成毀須臾之間誰爲愠喜傍有一吏云此兩句會有愠者參寥能具道乃復錄之

何斯舉云壬寅正月雨雪連旬忽爾開霽閭里貧媪相呼賀曰黃綿襖子出矣因作歌以紀之此名甚新但所作歌未甚愜

人意乃更爲補作一絕句云范叔綈袍暖一身大裘只蓋洛陽人九州四海黃綿襖誰似天公賜與均

鶴林玉露

黃州董助教甚富大觀己丑歲歉董爲飯以食飢者又爲糗餌飼小兒輩方羅列分俵飢人如牆而近不復可制董仆于地頗被毆踐家人咸咎之董不介意明日又爲具但設欄楯以序進退時或紛然迄月餘了無倦色

省志

八景詩載郡舊志中斷文蠹簡多不可讀今摭其可咏者得鄒吏部亮詩四首聊復志此齊安地連雲夢澤迤邐岡巒帶阡陌故壘蕭條古戍荒爲弔英雄訪陳迹疎林烟雨秋冥濛宿雲忽開天宇空長江繞郭淨如練沙鳥風帆圖畫中

黃岡曉霽絕

嘯凝烟掃空碧天塹橫分限南北舳艫灰冷戰氣消岸草汀花自春色沈沙鐵戟悲前朝割據英雄魂莫招興來醜酒酬

黃岡縣志

卷之二十四

撫聞

奎

明月醉倚酡顏吹洞簫

赤壁春暉

朝宗門外西風晚臨臬館前烟

景遠爲憶秦家生甯馨誤盡蒼生竟忘返露洗明月光欲流

曾照人間千古愁寒衣徐步踏花影老鶴一聲天地秋

臨臬月皎

硯池水暖龍睛泣墨花暗冷金壺汁蝌蚪浮波翠藻紋香雲

蘸影淋漓溼坡翁騎鶴上青冥誰復籠鵝寫道經疎雨淡烟

人不到舊時行迹莓苔青

洗墨雲生

宋奎章閣侍書學士虞集父汲爲黃岡尉乃右丞相允文四世孫汲僑居臨川娶國子祭酒楊文仲女楊以理學名家其女深通其義生集及弟榮受教內庭從父寓黃時稱爲一家之學榮著有非非國語

宋嘉定辛卯金師圍黃州守何大節召僚佐曰諸君親老且非守土臣可無死各以差檄使爲去計自誓不屈城陷沉於江

時靳守李誠之亦以城陷自殺朝廷爲立廟而甯宗紀乃書
大節棄城遁劉潛夫詩云淮堧便合營雙廟太學今方出二
儒二人皆出太學又云世俗今猶疑許遠君王元未識真卿蓋爲大
節白冤

黃尚書由帥蜀中閣乃胡給事晉臣之女過雪堂行書赤壁賦
於壁間劉改之從後題一闕其詞云按轡徐驅兒童聚觀神
仙畫圖正芹堂雨過泥香路軟金蓮自折小小藍輿傍柳題
詩穿花覓句嗅藥攀條得自如經行處有蒼松夾道不用傳
呼清泉怪石盤紆信風景江淮各異殊想東坡賦就紗籠素
壁西山句好簾捲晴珠白玉堂深黃金印大無此文君載後
車揮毫處看淋漓雪壁真草行書後黃知爲劉所作厚有饋

貺游宦紀聞

黃岡縣志

卷之二十四

撫聞

畜

子瞻故有洗墨池予判黃之二年梅川張子長人言墨池就湮
獨趙文敏手書三字猶存瓦礫中予聞大喜命輿人移置東
齋又三年爲康熙己酉始從坡里坊求墨池遺址得之於是
贅以文石周以欄檻跨池爲橋翼爲亭而取文敏字揭之楣
西陂類稿
中大夫安詠信可宣和初守齊安下車訪東坡雪堂遺址雖存
堂瓦已爲兵馬都監拆爲教場亭子信可命復新之信可善
爲詩有云萬古戰場餘赤壁一時形勝屬黃岡

黃州西北百餘里有歐陽院院僧蓄一古編鐘云得之耕者發
地獲四鐘斲破其二一爲鑄銅者取去獨其一聲空瓏饒古
意見子瞻集又元豐四年正月子瞻自岐亭泛舟還古黃州
獲一鏡周尺有二寸銅色如漆背銘云漢有善銅出白陽取

爲鏡清如明左龍右虎備之字如菽大雜篆隸甚精妙嘗以
示蘇子容子容以博名世曰此禹鼎象物之遺法白陽疑南
陽白水之陽漢人而如通用鏡微凸照人微小道家聚形鏡
也

盧公濬嘗浮舟江上陽侯風起舟師頻呼楠木大王問故以妖
對公歸撰文牒水府其畧曰象窮魍魎轉深鑄鼎之思誠格
神明欲下然犀之照雖川靈之失網故令尾大者不掉彼風
師亦助虐其與首惡者何殊越三日忽一木自樊口至命縛
之登岸時修學宮以爲左柱後燬於火

黃州南門外安國寺舊有睢陽張公祠正德初太守盧濬徧毀
淫祠暴公於烈日中一輿卒目不識丁神附其口罵曰爾以
我爲何人走筆書云皇天生我兮男兒君王用我兮熊羆力

拔山兮風雷氣貫日兮虹霓月正明兮拔鎗將劍星不落兮
擊鼓掀旗搗賊室兮焚寨齶賊肉兮充飢食烏鼠兮旣盡殺
妻妾兮心悲誓與死戰兮身披鐵甲願爲厲鬼兮手執金鎚
是張巡兮在世與許遠兮同時漫濡毫而染翰俾世人兮皆
知太守慚懼昇神歸座焉

現果
隨錄

盧濬誕日假寐夢出一字門過織染橋越數家有媪饌已中有
粉餐厭飫而返及覺唇脂猶香令掾偵之見老媪設俎奠其
夫忌日粉餐從所嗜也亡方三十二年掾還報與盧誕日同
亦嗜粉餐因召媪贈金經紀其家

耳談

黃岡進士奚世亮爲延平守值倭寇陷城力戰而死遺骸於旗
亭其後倭入閩見荔枝樹將伐以爲薪次旗亭有一紅衣女
子抱樹而哭甚哀曰但殺我無伐吾樹倭憐而去樹遂存倭

亦隨解至今呼旗亭荔枝爲紅娘云核如丁香小肉甚甘美說者以亮死賊之氣所畱也

文獻錄

紫潭李翁族產俱盛嘗卜地得吉相者曰主出飛來金帶後浙有孝廉某北上阻雪過其家翁觴之屢日孝廉見傳餐小婢貌秀整悅之因人語翁欲購爲妾翁許之與偕行後孝廉登第歷任大司馬其夫人暨諸姬皆無子獨此姬生二男二女夫人歿遂續爲夫人夫人念其翁媪甚潛屬其門吏於黃岡人問翁媪消息是時翁媪歿已久家亦淪替如洗莫有知之者忽翁之子以解軍赴遼陽經都下過大司馬宅門與門吏評語知爲黃岡人以聞於夫人夫人訊之其兄也大爲之慟餽贈甚盛夫人益不悅日涕泣曰能富貴人者公也今待妾家若此乎且何以令諸兒女有外家也時有侯李氏絕嗣而

黃岡縣志

卷之二十四

撫聞

奕

山東人奏請襲者敘功績不合其功績冊在所司庫公無能解於其夫人陰以冊示李子令熟之亦奏請襲下所司辦之李子語合得襲侯今紫潭稱李侯家是也後復絕獨其家綽楔在焉相者稱飛來金帶始驗

耳談

顧桂岩諸客傳云五百歲翁不知何許人語鄭重舉止亦慎雪天厚衣裘纊不圍爐謂渴火烘乾人體液又不沐浴或燂湯請洗日子不見羊豕乎負塗結毳以爲生而鬻毛漑膩以爲死也卒於黃岡碑曰五百歲翁家

白茅堂集

長圻壕有老圃蓄一瓜最鉅將獻豪門丐者挾籬入竊食之老圃擊之斃卽瘞其地明年瓜復盛有一大如斗會令購瓜剖之皆血令大疑掘視根出死人口中推訊得丐者狀遂伏法邑人歐普祥從徐壽輝以燒香起兵爲帥稱歐道人引兵掠江

西攻袁州陷新喻諸縣據之壽輝加普祥左丞大司徒袁國公陳友諒弒壽輝徵其兵普祥不應一云友諒襲壽輝併其軍自稱帝都邾城卽新州是也後友諒滅徙其雉堞益郡城今故址尙在

明洪武年間有書生犯夜知府問其何處人生答云舟泊蘆花淺水涯故人邀我飲金卮因歌赤壁兩篇賦不覺黃州半夜時城上將軍原有禁江南士子本無知黃堂若問真消息舊有聲名在鳳池識者謂爲解春雨也

堅瓠集

穆侍御天顏性至孝少貧甚父客死於蜀兄弟自黃奔喪附客舟晝夜哭舟中一老賈感之助以貲糧將抵夔老賈曰吾去此不遠約某日吾挈囊來待公過此也旣而天顏扶柩走叢山中夜雨如注視電而行乞宿旅人不納至冷店老嫗憐而

黃岡縣志

卷之二十四

據聞

七

飯之明日抵夔老賈至果贈以多金且爲之祭而哭乃曰與尊府素無交但念年老無子若客死誰爲奔喪者及天顏貴入蜀訪之賈尙無恙且有子矣於是厚酬之亦贈冷店嫗以百金後天顏巡按四川賈已死其子年十六補弟子員

王思旻少爲吏多陰德有鄉民誣陷重辟者以百金救之事已未一見也後官泰州歸卜地山中乞漿於村舍見其家祀以恩人牌位詰其故則向所平反者民因出子孫羅拜且曰山前後里許一皆我有若卜地請擇之果得地卽今邑中所稱赤膊龍是也思旻事詳宦績志

王刑部同鼎有知人鑑一日見書生荷於道上異之曰此人必爲御史問之則穆秀才天顏鄉人稱孝子者也遂成相識重以婚姻旣而謂之曰他日過飲君家時穆未有屋乃就所居

構屋二重時昇酒肴雅集焉

樊憲副夫人易氏賢德逮下尤善應變乙亥春賊寇黃州夫人有內姪時昇妻汪氏以貞烈死於賊其僕承用者與賊通賊委之兵著以銅鐵二械械固賊之章服也著鐵者領數十人著銅者倍其製範金爲圈兩頭作龍共啣圓珠合則無縫量背大小繫之承用遂奉賊指揮入郡城爲奸細先獨至其主家將應羣寇攻掠夫人聞承用歸遂匿多人於門外而呼之來見好語之曰聞爾在寇中何以放歸承用猶辭以逃命夫人曰爾主母死而爾歡笑此爲寇來非逃命也聞爲寇使者有銅鐵械盍示我承用推阻夫人命從人索之捉裏不見將發其衣懼而出之臂夫人詭曰此物罕覲付外觀之門外數十人齊出縛承用送官賊失內應不敢攻城遂遁去一城賴

黃岡縣志

卷之二十四

雜聞

矣

以安全者夫人之功居多也

冷賞

樊伯括齊宏憲副公之長君也祖母熊太恭人暮年焚修事大士惟謹年五十五尙無孫次年所得伯括甚憐愛之辛未夏偕所親住武昌歸至三江口舟覆伯括足爲同溺者抱持幾不能出忽水來衝擊如有稱大士以救者足遂得脫而身在壞船底與俱漂流十五里遇一人破舟出之衣仍不濡

省志

黃州被流寇之禍備極慘毒而其兆不止一二先見甲戌二月二十七日已刻有聲自西北來如雷地爲之動坐立之人搖搖如在舟中房屋皆震黃州城傾數堞武昌諸處皆然橫互凡二千餘里又黃之東北百里曰林家山避寇者多匿其處乙亥三月十六日將夕有大風雷如天崩地湧數圍大木拉如枯朽屋瓦皆飛行人盡騰起逾更次始定又數年前黃州

大江中有黑水一道流至三日乃絕此俱希有之變也聞黃
邑東鄉有山曰馬坡賊至鄉民團聚其上投石拒之賊不能
攻乃遍搜山之前後得男女近百人引至大塘盡殺而投之
水一男子自知不免手拉一賊偕投水中俱溺死後鄉人涸
水漉屍見男子與賊尙紐結不解此人亦豪矣哉省志

易曦侯好接引後進多所成就自是黃人士爭爲善恥言財利
鄉紳薦士多拔淹滯及一時名譽不欲專爲利媒士相見必
汲引某貧而才出其文章相推獎引見其人相晉接以得士
多者爲榮旣而曦侯遇流寇同其子爲璉罵賊死易用王哀
辭有曰弋矢滿空偏中其鳳獵矢滿山偏中其麟或謂遊曦
侯之門如被褐以入衣錦而出良然省志

己巳歲黃州大祲小民有不謀朝夕者易曦侯思賑之無其具

黃岡縣志

卷之二十四

據聞

堯

與兩兄謀曰鄉之富人不信小民而信我輩一言曷不迂其
身以爲質乎乃立券富室貸穀轉資貧者富人以曦侯義士
因薄其息貧人息薄易償而一鄉之人遂得舉火待新矣省志

陶廉憲家貧嗜酒爲諸生時偕任生讀書城隍廟陶赴友席夜
半任猶呶唔不輟窗外忽有聲曰任某汝苦讀不過一道士
耳試看陶廉使吟風弄月來也後陶成進士官至廣西觀察
任次年以事被黜去而爲巫役鬼頗驗省志

萬歷戊午秋黃岡樊憲副維城方在諸生偕何遽宿閩中汪闈
夫燥南應試武昌寓止洪山寺小庵庵有千葉蓮植而不花
樊浴其庭見之僧云從未開花自公至之日始蓓蕾數日後
當開耳明日復浴則已敷鮮枝頭數之正得三朵樊公戲謂
遽宿闈夫曰此三花應吾三人及第兆也遽宿以爲然闈夫

笑曰異哉二人顛乎誕乎樊公曰予先折一枝供案上如萎則已茂則兆也既而果茂遽宿亦自摘供之閱三月樊之花盡何之花方茂汪獨不摘任花自槁枝上及榜放三人皆中式然樊聯捷去何至壬戌始第汪止孝廉卒崇禎乙亥樊以憲副投間何方轉學憲花若得氣之先矣

冷賞

王御史同道夢澤雲澤之從子也少落魄不羈鄉人擲揄之遂發憤讀書再入省闈不見收自爲文告於城隍之神一夕夢神人謂之曰汝志固可取奈命運何同道再懇之神曰惟有一事尙可通融汝願之否汝命中本有兩子若少生一子尙可得乙榜至於甲科則不能也又懇曰生所願在甲科一洒鄉人之辱誠得之雖無子願亦足矣明日謁神復禱如前後果中式萬曆壬戌進士入爲御史巡按廣東罷歸竟無嗣少

黃岡縣志

卷之二十四

撫問

七

宗伯慎庵說

居易錄

劉克猷初登鄉薦夢一人語之曰爾須朱之弼做房考方中春榜及到京時偶出寓散步見數童子攜書包經其門一童子最秀出遂拉其手與談見其書上寫學名乃朱之弼也大驚隨之至其家見其父乃開柴廠主人因與款曲將筆墨數事贈之後遭流寇之難屢次不赴春官及己丑會試朱公已爲禮垣分校得首卷卽克猷也又康熙壬戌金德嘉在楚作教不肯會試俄夢劉克猷以門弟帖拜之因北上是年朱公禮闈總裁而金儼然會元始信夢兆之異

述異記

涓來少宗伯說劉修撰克猷中明崇禎庚午舉人困於公車至順治己丑赴會試初入京居黃岡會館是夜夢一神人自空而下類人間所繪畫魁星者連呼狀元劉驚起遜謝顧曰數

定矣何遜謝爲是科遂捷南宮殿試果及第第一既入翰林
又一夕夢人告曰君雖狀元及第然官不過五品年不過五
十時遇覃恩加一級爲從五品急請告歸歸未久病卒年四
十有三卒時命家人洞開牕戶仰視曰天樂迎我我逝矣又
曰我東華真君第三弟子也今召復故位耳劉生平力守功
過格制行不減古人

居易錄

王子雲一翥雲澤尙書曾孫崇禎庚午舉人楚名士也亂後隱
廬山講學五老峯下一日與諸生同觀瀑布忽發問曰逝者
如斯夫汝等作何解諸生不能對遂拂衣歸素與龔端毅公
善龔使東粵過黃州相見賦詩極懽或曰上巳時佳黃州地
佳子雲人佳公詩不得不佳

省志

王昊廬宗伯未第時自黃岡赴京應試路過廬山宿於蓮花宮

黃岡縣志

卷之二十四

撫聞

三

內因次日仍欲啓行未晚便睡夢身坐大殿之上面供齋果
下有袈裟百輩環拜誦佛因隨手取面前棗子偶啖數枚遂
醒醒時口中有餘味正驚訝間忽見住房外燈燭輝煌几筵
肆設眾僧方膜拜宛然夢中光景啓戶問之是日乃此庵已
故淨月上人忌辰眾方祭祀宗伯大異起視所供盤中之棗
其頂微缺如少二三枚者恍然自己前身乃此庵長老也故
終身奉佛甚虔先是宗伯父用予公崇禎翰林殉節廬山故
自號昊廬取昊天罔極之義

子不語

黃岡王大宗伯昊廬由運河赴都水次舟淺篙師入水祛游覺
有石隱互舟底採取之石縱橫二尺有奇厚三寸許昇至舟
中摩挲久之漸露字跡告諸宗伯宗伯見石質瑩潤拂拭審
視乃唐太宗命褚河南摹蘭亭本宋米友仁跋爲小板蘭亭

第一碑驚喜過望寶而藏之雖連城不易也抵都有索觀者輒飾辭拒之久漸播揚來觀者眾乃裹囊置輿中命媪載之歸藏於家及解組旋里建堂顏曰繩武嵌石於壁非親密者不輕以相示宗伯歿後家中落田產鬻且盡乃折堂而貨其材前一夕聞堂中隱隱有悲泣聲卽之聲出石間無何爲一老明經持十斛麥易去明經故子孫亦不知珍惜乾隆癸巳武昌吳明府世雯聞而購得之丙申致仕攜歸今不知存否

吳霑化人也

秋燈叢話

王昊廬宗伯捐貲贖甲寅難婦百餘口沈方舟用濟贈以詩云紅淚千行濺鐵衣傾家不惜拔重圍揮金欲笑曹瞞吝只贖

文姬一个歸

隨園詩話

康熙癸卯七月望日黃州城內外火延及江船獨善人數家如

黃岡縣志

卷之二十四

撫問

三

楊雲峯任季先等皆火逼險極竟無損時朱衣巷一茅舍賣豆腐家當火衝無恙有司問之家姓凌夫婦事老父極孝養

惜逸其名

參現果隨錄

杜濬歿於江南家貧不能葬蘇州知府陳鵬年解組時知之爲典狐青裘得三十金付蘄州徐琮營地於塗路口以葬之

何天申前志載其宿古廟夢判官以帽贈之後居官三十年不離判官

于清端公官黃州發奸摘伏如神有大盜窟宅野廟中公敝衣願入爲伍變姓名曰楊二旬日內盡得其行劫狀密召捕役擒之盜進見乃大驚服罪

盜湯卷者陽爲捕役于清端公知其橐中有盜籍欲得之每進見賜以酒肉久之詢以大小盜數卷唯唯不盡言乃乘其醉

微服從之得聞卷密與其從語明日召之飲盡發其狀搜得橐中盜籍姓名乃誅卷遂按籍追緝無不悉得諸盜屏跡易爲泰多行善事有某生攜子以歲饑客於易病篤曰公厚恩莫報有方竹以付公表念壬午赴省試夜寢有盜至舉刃砍之方竹當其上得不死後避亂樊口舟覆沉水若有掖之登岸者蓋積善之報也

邑人賀士煥病其妻熊侍事至三載病劇熊私禱神願以身代遂乘夜赴水死明日家人見其身卓立水面衣帶不亂夫病果愈繼娶生子嗣續得不絕

汪文淵官金華時有吳生百朋幼聘勢宦女宦以其貧遂寒盟訟於公文淵訊其女願歸吳乃具袍帶絲輿送女至吳成婚禮而還是歲百朋冠童子試補諸生舉於鄉明年登第後官

黃岡縣志

卷之二十四

撫問

三

至禮部侍郎浙人豔稱之

馬炳然正統間宰嘉魚羣盜劫藏去而欽召報適至以盜不得阻行始盜入馬於暗處稽其數三十人有長而髯者魁也因密屬捕者懸賞期必得會陽邏鎮渡江人數及一髯人正如盜狀縛之虐訊皆誣服馬始就道後豫章獲盜稱贖出嘉魚移楚臬守以是罷囚皆死獄中正德間馬建中丞節過楚入閩楚正戒嚴馬至陽邏與劇盜劉六劉七等遇磔其屍虜其女家屬死者三十人人謂冤報時郡守余公貴橐千金具牒屬青衿方勇等往贖其女追及於潯江還之余具車馬以老嫗護女送還蜀郡

黃州村民閭邱十五富積米穀每幸凶年閉廩騰價細民苦之既老病不能復飲食獨嗜羊矢家人憐之糝置粉餌如羊矢

狀使食之入手卽投地須臾乃咽歷數月死

山西志載譚章齊安人洪武初官靜樂縣丞建置縣署多善政任滿回京民爲立碑按齊安古黃岡名疑卽邑人

徐亦史授黃岡令蒞任次遭民間回祿火後躬往編戶點名及二千家遂罄家中所挈二千金散民搭蘆蓆棚暫令棲止未久徵國課四千金入鞘在衙明晨卽起解大盜知之夜統五六十人從城頭突入衙內斬劈箱篋蕩無所有以救應賊遁次日呼解夫進衙銀乃在堂前露地以蘆蓆覆蓋盜不知也

現果隨錄

萬一奇任開封推官摘發如神有夜行經柳林以胠篋告命刈柳鞠之期某日至訊柳比讞察觀者一人色動訊之服罪又行部風旋輿蓋以去跡其所至得骷髏青草出眶內因命捕

黃岡縣志

卷之二十四

撫問

古

殺人骨青果得之亦具獄伏法郡有宅扃鏽舊傳包孝肅宅上鐫萬人開三字見之曰謂我耳啓視闐然惟一榻冷風肅肅而已不憚出數日而卒人謂孝肅後身云

擔水夫偉軀幹力能肩重順治間來柳子港傭於市沉默似憨子眾易之不問爲何許人時難平人樂演梨園曲賽神議唱新出鐵冠圖院本夫聞懇請於長老曰何忍觀此諸少年叱退及演至煤山之慘夫適擔水過見之慟哭弛擔走中和橋下觸石死一市盡驚乃醵錢禮葬之噫此君其孤憤耶抑觸痛耶可哀也已舊有塚在河壩近年大水坍塌

邑西富民游燕后家貲巨萬有二子少名衡周納粟監生雍正癸丑秋燕后同其長子與佃人某口角致鬪衡周在塾聞之力勸其父兄而止佃者歸其子怒父不能圖賴推之仆肋枕

春柱數日死遂以歐殺告縣縣令某少年從政其父兄貪戾不檢曾向燕后借穀不應銜之而佃適來控檢驗時親撈屍汁中得骨屑半豆許非屍身所有也強奏之肋間詳請定罪游父子三人皆論絞游破數千金援例納贖部議以燕后及其長子愚民無知許贖伊少子則監生也知律故犯不准檄下就決監生大呼曰爾以穀故誣我一家死罪三人天可欺耶令急命塞其口竟絞以死不兩月而令以他事罷將與其父兄就訊移寓報恩寺忽患疔瘡徧體腫爛數日死年尙未三十且無子鄉愚傳以爲游監生索命云

節錄晉起堂遺集

萬岳雅淡洲文昌閣記劉穉川父養吾公闢書屋於居之偏屋後水繞如環面桃花洞三山隱見一日天門周侍郎過此闢然款門見養吾曰咄咄怪事昨穉三江口夢一人導余遊平

黃岡縣志

卷之二

撫聞

七

楚間周遭八到約數百畝村中書聲咿唔其人云後玉帶水前筆架山此中可出公孤鼎甲徐伸一指書空作文昌閣三字適觀此地形勢惟肖時穉川年十二已入庠摩其首曰好頭角兆予夢者此子也已而養吾公夢亦與之協因捨書屋構文昌閣並其步之八到者指之事在天啟丙戌書上棟曰侍郎某建蓋因夢而屬之也鴨蛋洲本名雅淡俗呼譌耳

文集

道光乙酉夏四月邑諸生汪士俊偕仲兄士倫遊武昌寒溪寺見古碑立藁莽中上鐫明孝子丁鶴年之墓俊曰孝子乃元人遭國變不仕蓋孝於家而忠於國者也當覓鐫石者更明字爲元是歲秋闈初八夜夢孝子黃冠鶴髦拊其背曰忠孝分股後驚覺而題紙至頭題爲邇之事父三句心異之榜揭

卽中是科舉人

錢孝廉崇蘭之祖世居團風鎮於宅旁設肆貿易除夕人定後有偷兒入肆中燭之則其素識某甲也色甚慚沮錢曰爾不過無度歲資耳後勿爲此吾誓不言遂授以金某甲後以賣魚爲業每逢令節必擲一魚於其後園中錢得之不知所自來也踰年錢有仇某移一路斃尸於其門首適某甲夜往販魚過其門見之陰爲負置數里曠野樹林中仇計不得逞人兩賢之

依洪侍御良品寄稿增入

道光戊申夏大水有老人攜幼子掉小舟避水移家將泊岸風馳浪湧舟欹而老者溺幼者救之亦死兩尸相抱出沒於洪濤中岸上人欲援之而無及也時謝葵以知縣告歸里居方纂修邑乘慨然曰此與古曹娥事異而情同也欲採入志惜

黃岡縣志

卷之二

撫聞

三

無由訪其姓名咸豐乙卯謝家扶乩一童子降乩謝曰爾何人乩判曰長者不憶在志局時聞郡城外有父子并溺者乎謝曰然乩又判曰長者不又謂可入邑乘乎謝曰然不知姓名奈何乩又判其姓名曰吾農家子歐陽順興年十六父名文正年四十九吾以救父死上帝憫焉勅爲馬王侍兒父爲水府功曹

道光二十九年春有雁被彈傷墜於舉人廖志基家復有一雁哀鳴空際翱翔不忍去廖見之謂曰女且去吾必療之閱數月雁斃瘞於王家山之南是年秋雁復至哀鳴如前廖知其爲雁侶也告之故并指示瘞所雁嗷嗷不已觸墓旁樹死之遂合瘞焉立碑曰義雁墓江夏程之楨學博有瘞雁行

咸豐十一年二月粵逆竄黃蒙古馬兵與賊戰力竭死之賊利

其馬爭相維繫馬怒哮狂躍傷數賊賊聚愈多馬奔至路口
塘中溺死土人哀之葬兵於塘側馬附焉舉人石易誠立碑
紀其事